



get K499 worth of free download on every purchase of 4G WiMax

Buy yours at Telikom PNG Business office now

Available at POM, Loe, Madang, Kokopo and Kimbe

Delivery within 5 working days!

24/7 Customer Care on 345 6789 | website: www.telikompng.com.pg

1 TOEA SMS

Salin wanpela SMS long 1 toea naman long 30pm na 7am eigna del. Digicel i go long Digicel tasol.

Hela poling kam gut Bando, Trawen amamas

Aja Alex Potabe i raitim

POLING long nupela Hela Provins i pinis gut tru long Tunde dispela wik bihain long ol i bin vot tripela de olgeta, na nau ol i wet tasol long kauntim ol balot pepa long Sarere dispela wik long Tari taun.

Hela i bin stat vot long Sarere las wik tasol sam-

pela hap long provins, olsem Bosavi, Margarima na Koroba, i bin gat sampela liklik hevi na ol i bin surukim poling i go moa long Mande na Tunde.

Weta long ol dispela ples i bin bagarap na ples i bin ren nogut tru, kilaut i pasim ples na i hat long helikopta i karim ol poling opisal, balot bokis na balot pepa i go long hap.

Sif Ilektral Komisian Andrew Trawen i tok Hela i pinisim poling gut tru stret na, nau ol wokman bilong Ilektral Komisian i skulim na trenim ol poling opisal long kauntim ol balot pepa.

Trawen i bin amamas na mekim dispela toktok long PNGEC Ilekten Midia Senta long Mosbi, wantaim CEO bilong Hela Trensisenal Atoriti (HTA), William Bando,

husat i bin amamas nogut tru bikos nogat wanpela bikpela asua o hevi i bin kamap long taim bilong poling long Hela.

Trawen i nau singaut long ol pipel bilong Hela, ol sapotas, na kendidet long wokbung wantaim ol ami na polisman, ol kaunting opisal na ol wokman bilong PNGEC long larim kaunting i go het stret, na nogat wan-

pela hevi i kamap.

"Mi singaut strong long ol Hela pipel long wokbung na sapotim ol kaunting opisal. Antap long dispela 830 polisman, sampela moa ami na polisman tu bai go antap long putim was taim Hela i go insait long kaunting dispela wik Sarere," Trawen i tok.

I go moa long pes 2

Digicel

PNG's Bigger, Better Network.

EM TAIM BILONG POLING

23 Jun - 6 Julai

8

De moa...

ELECTORAL COMMISSION Papua New Guinea



AMAMAS LONG HELA... Sif Ilektral Komisina, Andrew Trawen na CEO bilong Hela Trensisenal Atoriti (HTA), William Bando, i amamas long bikpela asua o hevi i no bin kamap long tri de poling long nupela Hela Provins. *Poto: Nicky Benard*

HEINZ

GOLDEN MARK SOY SOS

I kam long tupela gutpela teis!

Mushroom Dark Sos na Superior Dark Sos

Kaikai bai teis swit tru!

Nesenel gavman i no givim gutpela sapot

TELI Apdeit

Citifon EasiPay TopAp
Baim EasiPay wantaim Citifon bilong yu

Citifon nau i givim EasiPay TopAp Sevis wantaim Benk Saut Pasifik (BSP). Long yusim dispela nupela sevis, kism wampela Mobail Benking Aplikesen fom long Telikom Bisnis Opis o BSP brens klostu long yu long rejista.

Taim yu rejistaim Citifon na BSP akaun bilong yu pinis, bihainim dispela 5-pela isi step long baim easipay bilong yu.

Bihain long yu pinisim step 1, plis bihainim step 2 - 5.

Step 1 - Mita bilong yu
Taipim "Top" larim wampela spes, taipim "Easi" larim narapela spes na taipim "hamas yu laikim".
(Olsem. Top Easi 10)

Step 1 - Mita bilong narapela
Taipim "Top" larim spes, taipim "Easi" larim narapela spes na taipim "Mita namba" larim narapela spes na taipim "hamas yu laikim".
(Olsem. Top Easi 98275 10)

Step 2
Salim teks mesej i go long 16288

Step 3
Mobail Benking bekim:
Olsem: BSP 955xxx Requesting K10 TopUp for "Nem bilong yu" EasiPay Meter #. Reply with E123456 if Ok.

Step 4
Bekim i go long 16288 wantaim TopAp koud long tok oraitim EasiPay TopAp.

Step 5
Mobail Benking Bekim:
Olsem: "BSP 123xxx TopUp successful - 654321. Your K10 EasiPay Token is 22172512053000969 for 13.6 units.

Tingim: Olgeta gutpela EasiPay TopAp i gat wampela risit namba (Olsem.654321)



Veronica Hatutasi i raitim

OL PIPEL long Bogenvil i soim komitmen na hatwok long ples i stap gut na ol wok long go hetim ol bisnis na ol narapela wok long redim rijen long rot em bai go long en i kamap.

Tasol ol pipel i redi o nogat?

Presiden bilong Otonomes Bogenvil Gavman, John Momis, i bin tokim planti tausen pipel bilong Bogenvil i wok, skul na stap long Mosbi husat i bin bung long Bisini Softbal graun long Boroko I no long taim I go pinis, long selebretim Bogenvil de.

Presiden Momis na Paul Nerau, Konsal Jenerel bilong PNG long Brisben, Australia em tupela long ol bikman i bin stap insait long selebresen we ol Bogenvil pipel long siti i bin bung long stap insait long ol ektiviti olsem putim kamap ol singsing tumbuna na danis we planti ol grup long Buka, Atols na Sentrel na Saut Bogenvil i bin putim kamap.

Narapela nupela ektiviti o samting we i bin kamap long dispela selebresen em long resis long Mista na Mis Bogenvil we ol wan wan rijen na konstituensi i bin kamapim long en. Long dispela resis, ol sumatin bilong Bogenvil i skul long

Mosbi siti i bin go insait long em. Ol bin putim ol tumbuna bilas na ol i go long fran na tokaut long stori bilong ol bilas, rot we ol i save yusim ol dispela bilas long en. Em i wampela rot tu long promotim kalsa. Dispela i bin pulim intres bilong planti lain na namel long planti yangpela i bin go insait, Mista na Mis Tsalato i bin kism namba wan prais.

Long toktok bilong em, Mista Momis i bin tok Bogenvil Pis Agrimen (BPA) em dispela agrimen aninit long em PNG gavman na Bogenvil i mas wok bung wantaim long soim rot we Bogenvil bai go long en.

Tasol em i tok long dispela taim, (PNG) nesenel gavman i no bisi o i no givim gutpela helpim i go long Bogenvil.

"Aninit long BPA, Nesenel Gavman i sapos long givim K50 milian olgeta yia i go long ABG long karimaut nol wok bilong stretim bek Bogenvil, givim ol pawa i go long ABG na ol narapela, tasol Nesenel gavman i no kam gut.

"Ol pipel long Bogenvil i soim komitmen na ol i hatwok na mi bilip olsem yumi wok long kamapim gutpela ples long ol wok bisnis i ken kamap.

"Wampela samting tasol em, Bogenvil Edministre-

sen i nogat inap save wok manmeri long karimaut wok," Mista Momis i tok.

Em bin tokim ol pipel olsem otonomi em i gutpela na Bogenvil i mas redi long wokim referendum vot long brul lusim Bogenvil o stap olsme hap bilong PNG namel long 2015 na 2020.

Em bin tok pipel i mas fri amamas na redi long kism referendum vot.

Long wankain taim tu, Mista Momis i tok ABG na ol papagraun bilong Panguna i redi long sindaun toktok long opim bek Panguna main wantaim Bogenvil Kopa Limitit na ol narapela lain i gat intres long dispela main.



SELEBRET: OL lain bilong Motlok na Tasman Atol Ailan i wokim kain stail tumbuna danis bilong ol long Bogenvil De. *Poto: Akinori Ito, EQUITY Edukesen projek*

Zurenuoc i no wanbel long gavman dipatmen, ejensi

SIF Sekretari bilong Gavman, Manasupe Zurenuoc, i no wanbel long ol gavman dipatmen na ejensi i no save mekim gut ol wok na harim miting gut long Esia Pasifik Ekonomik Koporesen (APEC) bung i kam inap yia 1993.

Ol bos bilong gavman dipatmen na CEO bilong gavman ejensi Zurenuoc i no wanbel wantaim ol long en, mas lukluk bek long ol wok bilong ol long strongim na sapotim wok bilong APEC proses.

Em i mekim dispela toktok long APEC Inter-Ejensi Miting long Morauta Haus long Mosbi las wik.

"Mi painimaut olsem pasin bilong mipela long go harim APEC miting na mekim ol arapela samting long APEC level i no gutpela tumas. Ol sinia opisa o wokman bilong dipatmen bilong mi husat i go harim namba tu APEC miting long Kazan, Rasia i tokim mi olsem PNG i no save mekim gut ol wok bilong APEC,"

Zurenuoc i tok. Em i tok ol gavman dipatmen na ejensi husat inap long mekim gut ol wok long strongim APEC proses na wokbung wantaim long APEC memba kantri, i no save mekim gut ol wok.

"Dispela kain pasin tasol i bin mekim Praim Minista Peter O'Neill i no wanbel tu long ol dipatmen het na CEO bilong ol gavman ejensi, husat i no bin givim gut edvais long em long APEC Lidas Sumit long Hawaii long Novemba las yia.

"Nau ol i mas givim gut edvais long PM o ol sinia gavman wokman husat bai go harim gen APEC Lidas Sumait long Vladivostok, Rasia long 02 - 07 Septemba 2012," Zurenuoc i tok. Ol gavman dipatmen olsem Foren Afeas, Tred, Praim Ministas Dipatmen, Maining, na ejensi olsem Nesenel Fisheris Atoriti (NFA), Kastoms, na disasta i mas wokbung wantaim APEC.



MITING...Zurenuoc (raitim) i opim miting long toktok long ol APEC proses taim tupela wokman bilong Foren Afes i harim. Poto: PM's Media Unit

FM100 MAP COVERAGE

Be part of our Customers, Reaching 3.5 million Listeners daily

Hela poling kam gut

i kam long pes 1

Bando i tok Hela i bin wet 39-pela yia long kism provins, na nau em i taim bilong olgeta manmeri, kendidet, na sapota long amamas, lukautim gut ol samting, na larim kaunting i go het yet gut.

Maski 12-pela balot bokis tasol i bin bagarap bihain long ol liklik hevi i kamap long wan-wan poling ples olsem Homa, Tari Urban, Halongali, na Koroba, Bando i amamas stret bikos

poling i kamap gut tru stret long sampela kain wei, we olgeta manmeri i no bin ting em bai kamap long en.

"Sapos ol kendidet i skelim olsem sampela samting i rong, orait Kot ov Disputet Ritens (Court of Disputed Returns) i stap. Yupela i ken stretim long kot. Tasol nau yet, mi singautim olgeta sapota na kendidet long bihainim ol loa, na rispekim pasin bilong kaunting," Bando i tok.

Poling long Enga i stat aste

...Jiwaka, WHP bai Sande

Aja Alex Potabe i raitim

POLING long Enga Provins i stat aste bihain long ol polis na ami husat i bin stap was long Hela na Sauten Hailans Provins (SHP) i go antap long Enga long Mande na Tunde.

Wankain taim, poling long nupela Jiwaka Provins na Westen Hailans Provins bai stat long dispela Sande.

Sif Ilektoral Komisina, Andrew Trawen, i tok poling long Enga em i wok long bungim liklik hevi na 'em i wok long isi isi liklik na sampela paul samting' tu i wok long kamap long hap.

"Poling long Enga i stat aste na bai go het nau bikos sampela hap bilong provins i wok long ren na weta i go bagarap liklik. Dispela i mekim na ol manmeri i hat long vot long dispela kain weta," Trawen i tok.

Em i tok i gat sampela liklik asua na hevi i kamap long Kompam, na long Wapenamanda bikpela ren i pundaun.

"Dispela i mekim na hat long poling i pinis nau (aste) tasol. Poling bai go het yet narapela moa de long ol dispela ples we hevi i kamap long en," Trawen i tok.

Komanda bilong sekyuriti operesen long Enga Provins, Asistan Polis Komisina, Joab Mangae i tokaut tu olsem poling

long Enga i kamap aste.

Poling inap long kamap long Tunde tasol ol polisman na ami i kam long SHP i kam let long ol poling ples long Kandep, Kompam-Ambum, Lagaip-Pogera, Wabag na Wapenamanda.

Em i tok moa long 2,356 polisman na ami husat i bin stap long SHP i go antap long Enga. Planti i bin go hap aste nait na aste moning.

Wankain taim, tripela man wantaim gan i holim wanpela kendidet na bipo memba bilong Ambum-Kompam, Nickson Maki, na kukim kar bilong en.

Ol i bin hensapim Maki na tupela sapota bilong en long Meriamanda viles long Kompam, na kisim ol i go tasol laki na sampela ami na polisman i harim na sevim ol.

Ol dispela tripela man i nau stap long Wabag Haus Sik bihain long polis i holim ol na mekim save long ol.


Ol lain bilong dispela tripela man i paitim tu paitim Ritening Opisa bilong Kompam-Ambum Ilektoret long Tunde apinun taim em i laik givimaut ol awenes toktok long Linted Preferensal Voting (LPV) sistem.

Olgeta balot bokis bilong Enga i bin stap long Wabag Praimeri Skul bihain long ol i skelim na salim i go aut long wanwan poling ples long olgeta ilektoret insait long provins.

USE YOUR KUNDUCARD

For more chances to win

ONE MILLION KINA



www.bsp.com.pg

Find Us On




Bai givim
BEST teist
long
kainkain kuk



2012 Ileksen Nius



'Yumi rausim paul pasin long ileksen taim'-Sir Michael



Gren Sif Sir Michael Somare

na rausim ol paul pasin na pasin korapsen i wok long kamap long dispela ileksen.

Sir Michael i tok, "Sapos bai yumi sevim pasin demokresi na rot bilong kampaim fri na fea ileksen, yumi noken larim ol polis na ami tasol i mekim ol wok long kamapim stretpela ileksen, tasol yumi yet i mas wok long rausim ol paul pasin long ileksen taim."

Sir Michael i save olsem namba bilong ami na polis i liklik long daunim olgeta paul pasin.

"Yumi olgeta provinsal

na open kendidet, husat i save long wanem man o meri i wok long mekim dispela kain paul pasin long stilim balot pepa na bokis, i mas wokbung na larim ol stopim ol dispela nogut manemri long mekim ol pasin nogut bilong ol nau yet," Sir Michael i tok.

Em i tok ol ami na polis tu i mas mekim gut wok bilong ol long larim laik na tingting bilong ol pipel i kamap long dispela ileksen.

"Kantri bilong yumi i stap long wanpela kain taim we, sapos yumi no

rausim ol dispela kain pasin nogut, ol pipel bai kisim bikpela taim long bhain Itaim.

"Namba wan samting, yumi olgeta mas wokbung long rausim na stopim paul pasin na pasin korapsen long Ileksen 2012," Sir Michael i tok.

Dispela kain pasin bilong wokbung na rausim ol paul pasin i ken stopim ol nogut lida long go insait long palamen na mekim ol arapela nogut samting long bagarapim nem bilong kantri na pipel.

Aja Alex Potabe i raitim

GREN Sif Sir Michael Somare i singautim olgeta kendidet long wokbung

Polismeri wok ileksen long Enga



OL POLIS na difens fos i bin lusim Sauten Hailans provins na kam kamap long Enga na long Trinde, na ol i bin statim poling long Enga.

Planti hap bilong Enga i nogat rot, olsem na ol helikopta i kisim ol poling tim i go wantaim balot bokis na ol vot pepa.

I gat sampela hevi i bin stap, tasol inap nau ol polis na difens i kontrolim gut ileksen long Enga Provins. Piksa i soim wanpela meri kadet opisa bilong Bomanana, i stap long Wabag na wetim helikopta i karim em i go luksave long ileksen long wanpela busples long Enga.

Stori na foto: Fr Philip Gibbs



TAX AMNESTY ON ADDITIONAL TAX FOR LATE PAYMENT

The Papua New Guinea Internal Revenue Commission (IRC) wishes to advise all taxpayers now that an **amnesty** is in place for full remission of any Additional Tax for **LATE PAYMENT**, if the actual tax assessed is **FULLY PAID** by 31st July, 2012.

The **AMNESTY** applies to: **Personal Income Tax, Company Income Tax, Salary & Wages Tax, Business Payment Tax, Goods and Services Tax and Training Levy.**

Please contact any of the following named officers for further details:

Name	Telephone	Email
Mr. Dollacruise Augustine	322 6689	augustined@irc.gov.pg
Mr. Gedisa Basai	322 6666	basaig@irc.gov.pg
Mr. Henao Guria	322 6785	guriah@irc.gov.pg
Mrs Martha Tavi	322 6672	tavim@irc.gov.pg
Mr. Geoffrey Hanasbey	322 6680	hanasbey@irc.gov.pg

For more information on any other tax matters, taxpayers can visit your nearest tax office in your provincial centers or can access IRC's website:

www.irc.gov.pg

Authorized by Ms Betty Palaso, OBE
Commissioner General
Papua New Guinea Internal Revenue Commission

Michael Luakenu Lapu

27th June, 2012

Belated Happy 9th birthday greetings

Bik boi nau na lusim ol baby sense pasin!
Birthday kisses from Mum, Dad, tata Luanne & Mona, aunties Diane, Giovanna, Doreen; uncles Reginald, Daniel, Don, Moira & special one from STONEY!



Much love and May God bless you today, tomorrow and always!

MICHAEL L. LAPU

9-pela krismas long 27th June, 2012

Birth day Greetings from the Skwads: The Lopus, Saketes, Alaus, Tukanas, Okis & Salaiaus (Erima) Special one from the KFCS Gals & Bois. (VoliBol Skwad) May God Bless you always on your special Day.....

& May your troubles be Less Your Blessings be more And nothing but Happiness Come through your door.

Hope your Candle stay lit all year long!!



Wanpela man dai long Imbonggu

POLING bilong Ileksen 2012 long Sauten Hailans Provins (SHP) i kamap gut tasol wanpela man i dai long Imbonggu Iektoret na ol man i bagarapim sampela balot bokis long arapela hap bilong provins.

Jeffrey Apa Nandie, 30, bilong Kou viles long Imbonggu distrik i dai long Sarere bihain long narapela man i kikim em long bel bilong en long Kou poling ples.

Poling i bin stat long Hela na SHP long las wik Sarere na dispela i bin luklim kain kain ol biknem lida olsem Peter O'Neill, Anderson

Agiru na bipo deputi praiminista, Michael Nali i bin vot.

SHP Provinsal Polis Komanda (PPC) bilong, Sif Inspekta Sibron Papoto, i tok dai bilong Nandie i kamap bihain long ol sapota bilong tupela kendidet i bin kros go kam long senisim poling ples long Kou.

Taim ol i kros, narapela sapota i kikim Nandie long bel bilong en, na ol i karim i go long Goroka Haus Sik, tasol em i lusim laip bilong en.

Ol polisman i mekim ol

wok painimaut na kisim tupela pistol bilong wanpela kendidet husat i sanap long Imbonggu open.

I bin i gat sampela liklik hevi long ol arapela poling ples insait long SHP, tasol PPC Papoto i tok ol polisman na sekyuriti wokman i daunim dispela kain liklik hevi long hap.

Insait long Mendi taun, ol sapota bilong tupela kendidet i bin komplek long ol paul nem i stap long Iektoral Rol na i bin gat liklik hevi long hap.

Long Nipa-Kutubu, wan-

pela spak man i bin kikim sampela balot bokis na em i yet i ronawe. Tasol polis i painim em yet na ol bai mekim save long em sapos ol i holim em.

Long Lai Veli, 900 manmeri i bin vot long nait na ol i vot karangi. Ol i ting ol i votim gut kendidet bilong Mendi Open, tasol ol i putim namba long rong kendidet.

Long Lower Mendi, wampela kendidet hsuat i sanap long Mendi Open i bagarapim ol balot bokis na ol polis i wok long mekim ol wok panimaut yet long sekim dispela asua.

Mosbi Not Wes i Vot wande bihain

Nicky Bernard i raitim

MOSBI Not Wes i go insait long vot bilong ol long Tunde, dispela long wanem ol ileksen wok manmeri i no redim ol samting bilong vot long ilekteret bilong ol long Mande long de ol makim.

Planti wok manmeri long Not Wes elektet i bin lusim wok bilong ol long Mande long kam makim lida bilong ol, tasol dispela i no kamap na long Tunde bik moning planti manmeri bin go kam long makim vot bilong ol.

Planti long ol yangpela manmeri bin go vot long dispela yia, dispela i soim tu olsem dispela yia em planti ol yangpela i gat rait long votim lida bilong ol.

Sampela wok manmeri husat save stap long wod 11 long Mosbi Not Wes, na ol vot long ileksen go pinis i painim hat long vot dispela yia yia, long wanem nem bilong ol i no stap long komanrol.

Wantok Niuspepa i bin raun long Mosbi not wes na askim sampela yangpela long watpo ol i votim lida bilong ol na lida bilong ol bai mekim wanem long stretim sindaun bilong ol.

Clauda Kuman em wan-

pela meri Wabag tasol em stap long Mosbi Not Wes longpela taim, em tokim Wantok Niuspepa olsem em bai votim Michael Kandi long wanem em bilong ol gras ruts manmeri, em tok tu olsem tu bilong em bai go long Powes Parkop long wanem Powes bin mekim gutpela wok tru insait long siti.

Cathy Kumbia em narapela meri husat i stap long Renbo long Gerehu longpela taim, em tok ol vot bilong em bai go long ol meri tasol, long wanem em laikim sampela senis long sait bilong ol meri.

Arnold Clive em wanpela yangpela mangi, dispela yia em namba wantaim nau em vot long wanem yia bilong em i abrusim 18-pela krusmas pinis, em tok em makim Michael Malabag long gutpela polisi bilong em, na em makim Powes Parkop long pinisim gutpela wok em mekim long siti nau.

Planti ol manmeri i tokim Wantok Niuspepa olsem ol i no bihainim ol pati, ol bihain manmeri tasol na polisi bilong ol. Ol tok pati i gat politiks bilong ol yet na dispela i bagrapim vot bilong ol i kam long ol manmeri.



VOT LONG TENTE...Ol manmeri i vot long Tente insait long Mendi Open Iektoret, SHP. Foto: Polis Media Yunit

Kokopo polis sasim sapota long braiberi

Michael Novingu i raitim

KOKOPO polis i holim pasim na sasim em i stap long polis Rumgat long Kokopo. Moa yet, em i tok polis nau i karimaut wok painimaut i go insait long dispela hevi.

Monep i tok bikos dispela hevi i kamap, ol i pasim poling long 5.30 long apinun na salim ol manmeri i go bai ol kam vot long dispela wik Mande.

Long wankain taim Monep i tok, long Gunenba, poling nap 220 manmeri i kamap long vot, ol i no inap long vot bikos nem bilong ol i no stap long

ilektoral rol buk. Em i tokim ol olsem ol bai sekim gut nem bilong ol bai i kam bek dispela wik long vot.

Monep i tok olsem planti manmeri i laik yusim nem bilong arapela manmeri long vot na ol skritunia i stopim ol long noken vot yusim nem bilong arapela manmeri.

"Vot long Bitapaka, Duke ov York, na Raluana LLG i lukim planti manmeri i kamap long vot nogat hevi i stopim ol long vot," Monep i tok.

Monep i tok ol balot bokis

bihain long vot ol i lokim aninit long strongpela was bilong polis, na ol i karim i go long lokim long kontena long Kokopo polis stesin.

Long Mande dispela wik, poling Tim 8 bilong Kokopo Open i karim Bokis Namba 0354 bilong Kokopo Open na bokis Namba 0446 bilong ENB Rijenal, tupela sil bilong em ol i brukim bokis i open i stap.

Taim ol i kamap long Sonoma Poling hap ol skritunia i lukim dispela paul pasin i kamap na ol i komplek long paul pasin i kamap.

Niia Omana antap putim vot bilong em...


Arnold Clive, em nambawan taim bilong em long vot.

Daunbilo: Cathy Kumbia na Clauda Kuman i votim lida bilong ol...





2012 Ileksen Nius



Planti nem i no stap long Iektorel Rol ...Tasol voting i ron gut long Bogenvil

EM i namba tri de bilong taim bilong vot long Bogenvil, tasol olgeta samting i ron gut tasol.

Liklik hevi tasol em sampela pipel i no amamas bikos taim ol i laik vot, nem bilong ol i no stap long Iektorel Rol, Provinsl Polis Komanda long Otonomes Rijen bilong Bogenvil, Sif Inspekta Cletus Tsien i tok.

Sif Inspekta Tsien i bin stap long Arawa, Sentrel Bogenvil, aste long lukim ol wok bilong vot i go olsem wanem long hap.

Em i tok nogat meknais i kamap na long olgeta hap bilong ailan, ileksen wok na

voting i ron gut tasol, na em i amamas long dispela.

“Long olgeta hap bilong Bogenvil, wok bilong vot i ron gut tasol na em i amamasim long lukim olsem ol manmeri i raun gut tasol na givim vot bilong ol.

“Long sait bilong sekyuriti, olgeta samting i ron gut na i nogat trabel,” Inspekta Tsien, i tok.

Em i tok wanpela lain long Makis Konstituensi long Saut Bogenvil i bin wokim wanbel na sekan pasin long dispela wik Mande na ol i ken stap gut na go long vot.

Long wankain taim, ol wokman, polis manmeri na ol balot

pepa, balot bokis na ol narapela samting long mekim ol wok bilong vot i wet yet long sip i karim ol i go long ol liklik Atol Ailan olsem Katerets, Motlok, Tasman na Fid long mekim wok bilong vot.

Sif Inspekta Tsien i tok taim em i go kamap long Buka tude, em bai toktok wantaim Bogenvil Ileksen Menesa, Reitama Taravaru, long painim narapela rot o sip long karim ol wokman i go long ol atol ailan.

Nau yet, bot, MV Andreas, we Iektorel Komisn i sapos long salim i go long Buka i no go kamap yet.



Ol Komonwelt Obseva kam glasim ileksen bilong yumi long Wabag taun..

Nogat trabel long taim bilong vot long Westen Provins

WOK bilong pipel i vot long Westen Provins i go gut tasol na pipel i wok long eksasaisim rait bilong ol long makim ol lida ol i laikim long go pas long ol long haus Palamen long 5-pela yia i kam.

Provinsel Polis Komada, Inspekta Silva Sika, i tok taim bilong vot long provins i bin stat long ol eben o taun eria long las wiken Sarere June 23, na ol i ting bai wok long ol dispela hap bai pinis klostu taim.

Inspekta Sika i tok nogat trabel o meknais i kamap long ol ples we vot i kamap long en.

Em i tok voting long sampela hap bilong Saut Flai rurel distrik na Midel Flai i ron gut tasol.

Em i tok ol polis manmeri i stap long givim sekyuriti taim wok bilong vot i kamap.

Em i tok voting long Tabubil, em taun we ol lain i stap na wok long OK Tedi Main i stap long em, pipel i bin vot long

Mande, na olgeta samting i bin go gut tasol.

Long wankain taim, em i tok ol i painim pinis dingi i bin karim ol opisa na polis manmeri na ol ileksen metiriel na i laik go long Saut Flai tasol i kapsait long solwara klostu long Daru long las wiken.

“Nogat man i bin kisim bagarap, o i dai. Ol lain i stretim ol yet pinis na ol i lusim Kiunga long go long ples Suki gen aste moning”, Inspekta Sika i tok.



Ol Polimeri putim was long ileksen i trabol fri...

Vot long Oro i stat aste na i go gut

TAIM bilong vot long Oro provins i bin stat aste bihain long ol wokman na ol polis manmeri i lukautim ples na pipel long taim bilong vot i kisim ol alauwens mani long karimaut ol wok bilong ol.

Provinsel polis Komanda bilong Oro, Superintenden Victor Isouve, i tok.

Em i tok Oro Provinsel Edministresen i bin katim mani long peim ol alauwens bilong ol polis manmeri na aste tasol, ol i stretim ol polis manmeri na ol woklain bilong lukautim wok bilong vot long provins na aste tasol wok bilong vot i stat.

Wanpela eria tasol i stap long boda bilong Oro na Morobe provins em long Kirakira em voting i no stat yet bikos i nogat helikopta long karim ol woklain, polis na ol samting bilong mekim wok long vot wantaim i go long dispela ples Kirakira.

Superintenden Isouve i tok em i amamas olsem i kam inap nau, nogat trabel i kamap long ileksen wok long Oro provins.

Long wankain taim, voting long sampela hap bilong Galp Provins i no stat yet bikos ol poling opisa na ol polis manmeri i no kisim ol alauwens o poket mani bilong ol.

Na tu, trenspot i narapela hevi long wanem, ol woklain bilong mekim wok long holim vot, na ol polis manmeri wantaim tu ol samting bilong mekim ol wok long vot i wet yet long helikopta i kam na kisim ol i go long ol ples ol man bai vot long ol.

Superintenden Isouve i tok tu olsem narapela hevi i wok long kamap em pipel i no amamas long painim olsem tsaim ol i laik go vot, nem bilong ol i no stap long Iektorel Rol.

9-pela PNC kendidet ron long Isten Hailans

PIPOLS Nesanel Kongres (PNC) Pati i endosim 9-pela kendidet long sanap na resis insait long Isten Hailans Provins.

Ol dispela kendidet i Peti Lafanama (Isten Hailans Rijenal), Benny Allan (Unggai Bena Open), Mathias Ijape (Goroka Open), Viviso Seravo (Henganofi Open), Eddie Mike (Lufa Open), Dr. Nime Kapo (Daulo Open), Issac Waigavara (Okapa Open), Ovo Buni Kako (Kainantu Open) na Dr. John Koigiri (Obura Waninara Open).

Praim Minista Peter O'Neill, husat i pati lida bilong PNC, i tokim ol pipel long Goroka na

Kainantu olsem PNC i bilip strong long fri edukesen, fri medikel na helt sevis, pait agensim loa na oda asua, na daunim pasin korapsen.

O'Neill i tok taim em i kambek long palamen bihain long dispela ileksen long kamapim nupela gavman, em bai kamapim nupela loa gen long larim fri edukesen em i kamap olsem loa long larim olgeta pikinini long kantri i go skul.

“Mi tokim yupela stret olsem nogat wanpela bipo gavman i bin kamapim dispela kain fri edukesen polisi gavman bilong mi i kamapim insait long 10-pela mun tasol.

“Neks yia, bai mi

kamapim narapela loa long larim pasin bilong go long skul i loa long larim PNG i kamap wanpela kantri we, olgeta manmeri i kamap save manmeri tasol.

“Dispela polisi bai mekim na olgeta pikinini bai go long skul. Sapos ol i no go, ol bai brukim dispela loa. Na bai mi kamapim dispela loa, we bihain taim tu nogat wanpela gavman bai senisim,” O'Neill i tok.

Em i tok em i nidim sapot bilong ol pipel long makim ol kendidet bilong PNC, husat bai win na kamapim nupela gavman wantaim O'Neill, husat bai tingim ol liklik manmeri long ples na strit.



Skrutinia long wod 3 poling long Wabag taun i kisim siriell namba bilong balot bokis..



Salim pikinini bilong yu i go long skul long gutpela bihain taim bilong em. Wantok Niuspepa i sapotim Yunivesel Besik Edukesen (UBE).



Dame Carol kamap felo o memba bilong Lowly Institute

DAME Carol Kidu husat i lusim wok politiks long PNG bihain long 10-pela yia olsem memba bilong Mosbi Saut na las wok em bin mekim em lida bilong Oposisen long PNG Palamen, i kisim luksave long wanpela biknem institut long Australia i save wokim ol polisi o loa.

Lowly Institute long Sidni, Nu Saut Wels long Australia i makim Dame Carol olsem wanpela "Felo" o wokmeri long Lowly Institut long las wik Fonde.

Wanpela memba tasol long Palamen bilong PNG,

Dame Carol i bin mekim gutpela wok long kamapim ol wok developmen na tu, tokstrong long olo sosel isu long PNG. Em bin wok strong tu long kamapim gutpela wok bung namel long PNG na Australia.

"Mi welkamim Dame Carol Kidu long Lowly Institut," Michael Wesley, em Eksekutiv Dairekta bilong Lowly Institute, i tok.

"Olsem visitin felo bilong Lowly Institute, Dame Carol bai skruim risets wok bilong em long ol polisi salens PNG i gat, na wok bung namel

long PNG na Australia.

"Dame Carol i joinim 17-pela biknem manmeri long intanesenel level na Australia husat i Lowly Felo lain we ol orijinel risets, komentari na dibet i mekim bikpela kontribusen i to long wok bilong institute," Mista Wesley i tok.

Wok bung namel long Australia na PNG, neiba bilong Australia we ol i stap klostu stret, na ol salens em (PNG) i bungim em i ki eria bilong risets we Lowly Institute i karimaut stat yet ol i statim Myer Foundation Program

long yia 2007.

Ol risets ol bin karimaut pastaim i glasim ol helt isu na nau ol i putim ai long PNG Nesenel Ileksen.

Dame Carol i bin go insait long politiks long yia 1997 na em bin win gen long 2002 nesanel ileksen. Ol luksave we Dame Carol i kisim long ol wok em i mekim em long taitel olsem Damer komanda long oda bilong Britis Empaia long 2005 na honoreri doktoret long Yunivesiti bilong Vudal (PNG), Kwinslen yunivesiti na Yunivesiti bilong PNG.



Yut, Meri na Famili wantaim Lorraine Siraba

Vot gut long gutpela bihain taim

POLING o taim bilong vot i bin stat pinis long wiken, Sarere, bilong makim ol kain lida bai ranim kantri bilong yumi, tasol save i stap long han bilong olgeta vota long makim ol lida.

Taim yumi komplek olsem i nogat gutpela sevis, prais bilong ol kaikai na ol narapela samt-ing i antap tru, korapsen na sampela hap bilong kantri i gat planti risos, taim ol narapela i nogat, yumi tu i mas kisim tok sut long makim ol lida i no save gat ol gutpela plen na lidasip kwaliti.

Insait long tupela wik bilong kempen, yumi lukim ol kain hevi na bagarap i kamap, ol kendidet i givim aut bikpela mani aninit long projek fanding, na ol kendidet i tromoim ol tok baksait toktok agensim wanpela narapela. Ol dispela kain samt-ing i ken soim yumi kain stail na strong bilong kain lida i sanap long ileksen resis i ron long dispela taim. Ol kendidet i ron long dispela ileksen i ting olsem ol i bes o rait lain stret long makim yumi long haus Palamen.

Bikpela samt-ing nau em long toksave gen long ol vota long yusim het na tingting bilong ol na i no bel bilong ol na makim ol gutpela man husat bai lukim olsem ol disisen ol i mekim long politikel level i gutpela long pipel bilong dispela kantri. Askim yu yet wanem kain lida yu laikim long makim yu long haus Palamen. Glasim gut ol kendidet i sanap long ilektoret bilong yumi wan wan. Ol dispela i gat planti meri o planti man. Ol kain man olsem i save laikim planti samt-ing na i no inap long samt-ing ol i gat long en. Na ol bai nogat komitmen long wanpela samt-ing.

Na yumi gat ol narapela i wok long givim mani i go long pipel long baim vot, e mol mobail benk we i kontribuit long mekim ol pipel i kamap leslain na wetim tasol ol henaut o kisim samt-ing. i luk osem ol lain i wok long givim aut bikpela mani i go long ol pipel i no klia long wok olsem politisen, tasol ol i lukim olsem ol pablik sevis masin we i go hetim na menesim ol projek. Lida i sapos long kamapim ol sans long pipel i developim save bilong ol na ol i ken lukautim ol yet.

Yumi laikim lida long lain i gat stretpela pasin, wok gut na i gat ripot long mekim wok na rot we ol i yusim mani long en na givim gutpela sevis i go long sosaiti, tasol olsem ol vota, yumi mas skelim na glasim gut ol pati polisina vot long ol lida husat i laikim gutpela samt-ing long kantri bilong yumi. Na i no ol lain i baim vot. Taim yumi kisim mani yumi wokim korap pasin olsem tasol ol lida yumi wok long tok agensim long ol long mekim pasin i no stret. Taim yumi no

Tingting na glasim gut ol lida na givim vot, yumi tromoim rait bilong yumi long tok agensim ol pasin i no stret.

Em i bikpela samt-ing long tok strong olsem yumi no inap muv fowet olsem kantri inap ol lida bilong yumi i mekim ol wok gut na long ples klia, na go hetim ol polisi bai kamapim ol gutpela samt-ing long kantri.

I have the Power to choose a good leader!



Your poor decisions in voting, will affect your future



Madas Yunien selebretim 45 krismas

Ol ripot na poto bilong namba 45 selebrensi bilong ol Angliken Pot Mosbi Daiosis Madas Yunien wantaim Veronica Hatutasi na Andrew Molen.

PLANTI nupela na bikpela senis i kamap long wol tude na ol Angliken Madas Yunien Madas grup long Mosbi i kisim salens long sanap strong na yusim het bilong ol long tingting gut long edresim ol salens.

Presiden bilong Pot Mosbi Angliken Sios Madas Yunien (PMAMU), Louise Werner, i tokim ol meri olsem long namba 45 selebrensi bung na lotu ol bin holim long Holi Famili Angliken Sios long Hohola, Pot Mosbi long las wik Fraide.

Samting olsem 50 PMAMU memba i bin bung na selebretim de wantaim sios sevis na bihain, bung kaikai na ol toktok i tok tenkyu long wok ol i mekim, na tu, strongim ol long dispela taim we ol kain salens i kamap long daunim famili

na spiritual laip. "Tok tenkyu i go long ol bikpela meri i bin statim PMAMU na komitmen bilong ol i kisim yumi i kam long dispela taim.

"Nau, yumi stap long narapela kain taim na olgeta samting i wok long senis. Pot Mosbi Daiosis i groa na planti salens i wok long kamap. i no long hia tasol long olgeta hap bilong wol. Yumi mas sanap strong na edresim ol," Mis Werner i tok.

Mis Werner i tok PMAMU i wok long lukim sampela gutpela senis we isi isi, sampela yangpela meri i wok long go insait long Madas Yunien.

Em i tok ol dispela lain bai skruim wok i go moa taim ol lapun i go pinis.

Em bin tok samting i narakain long ol pastaim PMAMU memba em, ol memba nau i gat moa save taim ol pastaim lain i no tumas, tasol ol i yusim lewa na mekim ol gutpela disisen long skruim wok bilong yunien.

"Ol pastaim lida i bin yusim lewa bilong ol long mekim wok.

"Sapos yupela i laik karimaut gut wok, mi salensim yupela long

yusim lewa bilong yupela. Yupela i gat bikpela wok long Mosbi Daiosis," Mis Werner, i tok.

Foapela mama bilong PMAMU husat i bin go insait long 1972 na i stap mekim wok yet em Mada Hega Gerega, Laura Gegera, Mada Koieba na Blanche Yogomin.

OL ORIJINEL: Mada Leila Koeba, Mada Hega Gerega, Mada Laura Matawan na Mada Blanche Yogomin i hap long ol namba wan mama grup i bin joinim PMAMU 40 krismas i go pinis.



Pre strong na yusim lewa long wokim disisen

PRE strong na yusim lewa long mekim wok long strongim wok em bikpela samting, Pater John Dubobagi bilong Holi Famili Angliken Sios long Hohola insait long Nesenel Kapitel Distrik i tok.

Pater John wantaim helpim bilong Pater Meakoro i bin go pas long lotu sevis las Fraide we samting olsem 45 Pot Mosbi Angliken Madas Yunien (PMAMU) memba i bin bung long selebretim 45 anivesari bilong ol.

"Ol pastaim lida i bin yusim lewa bilong ol long mekim wok. Sapos yupela i laik karimaut gut wok, mi salensim yupela long yusim lewa bilong yupela. Yupela i gat bikpela wok long Mosbi Daiosis," Pater John i bin tokim ol mama.

Foapela mama bilong PMAMU husat i bin go insait long 1972 na i stap mekim wok yet em Mada Hega Gerega, Laura Gegera, Mada Koieba na Blanche Yogomin.

Pater John i bin luksave na tok tenkyu long ol lain i bin kirapim PMAMU 45 krismas i go pinis.

"Wanem wok yumi mekim long laip bilong yumi i stat wantaim hatwok, tasol bihain yumi save amamas long lukim kaikai bilong em.

"Madas Yunien long PNG i bin stat long Dogura, Milen Be, tasol namba 5 daiosis em Mosbi Daiosis i wanpela spesel daiosis long wanem, em i gat ol memba i kam long 4-pela Angliken Daiosis na ol i wok bung wantaim hia," Pater John i tok.

Gutpela famili laip na stiaim ol pikinini long gutpela Kristen laip na sindaun em bikpela samting we ol Madas Yunien i strong long mekim wok long en.

"Glasim nau rot we ol pikinini bilong yumi tude i mekim ol samting. Planti papamama tude i no wari long ol pikinini bilong ol long wanem, ol pikinini i no harim tok. Tasol yupela i mas sanap strong long skruim wok we ol lain i bin kam pas long yupela i bin hatwok long planim.

"Yupela i mas strongim pre pasin na Bikman bai lukim olsem wok bilong Madas Yunien bai go strong yet," Pater John i bin tokim ol meri.



PNG SUSTAINABLE DEVELOPMENT PROGRAM LTD

Ol Rural Tisa bilong yumi nidim Sapot

Mi save aigris tru long ol savemanmeri bilong yumi husat i bihainim laik bilong ol yet long stap sindaun na wok insait long ol rural komyuniti. Mi bin bungim ol kain lain olsem long ol busples bilong Papua Niugini, na mi mas givim luksave long strong ol i gat, maski ol i stap longwe long ol taun. PNGSDP i save sapatim planti wok bilong lukluk long ol salens bilong holim strong ol humen risos i mas i stap long tanim dispela wil bilong sevis, moa long helt na edukesen, bai ol lain manmeri long ol rurel ples i ken kisim halivim.

Taim mi bin save long Bomana Sekret Hat Tisas Trening Koles, mi luksave olsem dispela em i wanpela institusen i wok long strongim save bilong ol tisa i go long ol rural praimer skul insait long ol ples long Westen Provins, Galp, Sentral, Noten provins, na Milen Be. Em i wanpela institusen i kamap long bekim nesenel salens long strongim givim bilong edukesen sevis i go long ol longwe busples insait long Sauten Rijen, na trenim ol gutpela, treni tisa husat i gat strongpela bilip na tingting long mekim wok insait long ol rural ples. Ol treni tisa, bihain long ol i pinis long Koles, i ken go bek long ol ples bilong ol na tis insait long ol komyuniti bilong ol yet. Long dispela rot, ol hevi bilong sot long gutpela tisa insait long ol longwe ples, na ol sosol sindaun bilong wanpela nupela tisa i traime bihainim lokal komyuniti na i stap insait long komyuniti, bai hevi i noken tumas.

Mipela i bin amamas tru long kisim wanpela proposal long 2009, we i toksave long mipela long dispela nupela koles. Mipela i luksave long strong na wok bilong dispela institusen long Westen Provins, na PNGSDP i tok wanbel long givim mani sapat inap long K500,000 long halivim wantaim konstraksen bilong fopela haus tisa long strongim wok bilong ol tisa long skulim ol tising wokfos. Moa halivim mani inap long K255,590 i go long sapatim kisim bilong ol skul saplai na skul ikwipmen bilong Koles.

Dispela yia, aninit long Westen Provins Nesenel Skolasip Program (WPNSP), PNGSDP i bin givim tripela full-fandet akademik skolasip i go long tripela Westen Provins sumatin husat i wok mekim skul tisa long Koles. 19-pela sumatin long namba wan 21 sumtain long 2010 i bin graduet wantaim diploma long Praimeri Tising na i go bek pinis long ol praimer skul long Matkomnai, Golgobip, Membok, Tarakbits, Dome na Kiunga. Nau yet i gat 38 sumatin (25 meri na 13 man) i wok i stap long pinisim ol tupela yia diploma kos.

Insait long Westen Provins, PNGSDP i gat ol bikpela program bilong sapatim edukesen. Dispela i karamapim sapat i go long Sios Ejensi Edukesen Sevises bilong Everjelikal Sios bilong PNG (EPNG), Yuneitit Sios na Katolik Daiosis bilong Daru na Kiunga. Kamap bilong Star Mountains Institut ov Teknoloji long strongim komyuniti long Tabubil olsem wanpela koles taun bihain long main i pas, em i narapela bikpela astingting PNGSDP i laik kamapim.

Olgeta ol hai level plening bilong ol wok program long provins, bai lus nating sapos i nogat ol strongpela lain i laik stap long ol busples na ples longwe, bai ol i mekim wok bilong ol olgeta de. Tenkyu tru long yupela olgeta husat i mekim disisen long givim sevis long pipell Mipela i amamas long inap long sapatim skul bilong yupela sampela na long stap insait long wok bilong stretim gut sindaun we yu stap long en na wok.

I kam long tebol bilong CEO (Article #23 of 2012)



CEO: David Sode

O'Neill bai skruim na strongim fri edukesen polisi

SKUL fi em i wanpela hevi i save stap long leva bilong planti papamama bilong PNG tasol stat long dispela yia, ol i pulim win gut bikos gavman i go hetim fri edukesen polisi we i nogat skul fi bikos nesenel gavman i katim mani bilong peim ol skul fi long baset bilong em.

Gavman bilong nau Praim Minista, Peter O'Neill, long taim em i go insait long las yia Ogas yet, i bin wokim disisen long kamapim fri edukesen polisi. Olsem long dispela yia, sampela

hevi bilong ol papamama i raus na ol i pulim gut win.

Tasol dispela fri edukesen polisi bai go het yet o olsem wanem?

Long las wik, Mista O'Neill i bin tokim planti lain long nupela Jiwaka Provins long Hailans rijen olsem sapos em i winim dispela ileksen na kam bek fomim gavman, em bai kamapim wanpela Bil o loa long gavman i tok oraitim na dispela Bil o loa bai stap, maski gavman i senis na nupela lain i go insait.

Mista O'Neill i tokim pipel olsem

nogat gavman long dispela kantri i bin go hetim fri edukesen polisi we i ron gut olsem dispela em i kamapim long sotpela taim, long mak bilong 10-pela mun, taim gavman bilong em i go pas long kantri.

"Long neks yia, bai mi tok oraitim wanpela lejislesen o loa long plua bilong Palamen we bai lukim olsem dispela fri edukesen polisi i stap long ol gavman i kam bihain long noken senisim, tasol i bihainim," Mista O'Neill, i tok.

Em i tok kantri bai mekim bikpela mani long PNG LNG Projek na i

moabeta long yusim dispela mani long tromoim mani long eria bai sapatim na putim long skul ol woklain bilong dispela kantri nau na long bihain taim.

Em bin tok dispela fri edukesen polisi i sapos long kamap longpela taim i go pinis, tasol ol pastaim gavman i no yusim gut mani na ol i no investim long developmen bilong ol woklain bilong dispela kantri.

Praim Minista Peter O'Neill



Famili sakrifais long putim pikinini meri long skul

BIKPELA sakrifais bilong ol brata susa na famili i lukim wanpela yangpela meri Madang i kamap wanpela skul tisa nau.

Jennifer Sogon Karagos bilong liklik ples Sugar long not kos Madang i bin pinisim tisa trening kos bilong em long Yunivesiti bilong Goroka (UOG) long pinis bilong las yia, 2011. Nau em i tisa long Malala Sekonderi skul long Madang.

Stori bilong em long go long skruim skul na go long UOG em i narakain stori we planti long yumi long dispela kantri i no save harim, tasol yumi ken ritim long em nau.


Famili bilong Jenny i gat 6-pela pikinini. Foapela em ol manki man na tupela, we Jenny i wanpela, em ol meri.

Papamama bilong Jenny, em Christian Nangoi Karagos na Margaret i strongpela woklain bilong sios long ples bilong ol.

Long yia 2003, Jenny i bin pinisim Gret 8 long Waduim Praimeri skul. Bihain long dispela, em bin kisim ofa long skruim skul long Malala Sekonderi long wokim Gret 9 bilong em.

Olgeta manki man i wok long skul, tasol nau, nem bilong Jenny i kamap long go long wanpela bikpela skul. Na famili wari nau bikos ol bai peim skul fi olsem wanem?

Dispela i kamap wanpela bikpela wari na hevi long famili. Ol kain tingting i raun long het bilong



FAMILI KARIM KAIKAI: Jenny long rum bilong em long UOG.

ol olsem bikos Jenny em i meri, em bai stap bek long ples na ol pikinini man tasol i ken go long skul?

Papamama i wari tru bikos ol nogat inap mani long salim olgeta pikinini i go long skul.

Olsem na wanpela de, ol i holim wanpela famili miting we olgeta famili memba i stap long en long harim tupela papamama na tu, givim ol tingting na kontribusen bilong ol long hevi ol i gat long en.

Dispela miting i kamapim sampela sakrifais long wan wan memba bilong famili.

Olgeta pikinini man i tok orait

Jenny i mas go hetim skul bilong em Long Malala Sekonderi. Na ol bai stap bek long ples na bihain, ol i ken go bek skruim skul bilong ol.

Long kisim inap mani long baim skul fi bilong Jenny, wan wan famili memba i kamap wantaim samting ol bai mekim long en long kamapim sampela seving.

Ol i tok ol bai no inap kaikaim ol stoa kaikai. Nogat moa rais, mogat moa tis na suga long tebol.

Ol wanbel long kisim ol gaden kaikai tasol na pres wara wantaim, i no ol sof dring samting.

Dispela em ol rot we Karagos famili i bihainim long sevim mani long en.

Olgeta liklik toes famili i kisim long salim buai, kakau na kokonas em ol i sevim long baim skul fi bilong Jenny.

Long ol yia Jenny i skul long Malala na UOG, famili i no kisim ol stoa kaikai o kaikai ol i wokim ovasis.

Nau Jenny i wok tisa long Malala Sekonderi Hai Skul. Em i tok bikpela blesing bilong Papa God i stap wantaim em na em i tok tenkyu long em long givim em gutpela famili husat i sapatim em gut long givim em sans long skruim skul bilong em, go long UOG na nau em i kamap tisa na wok i stap.

Hangamap long wol bilong rum bilong em em wanpela raitim i go olsem:

"Every painful story has a successful ending. So accept any painful moment in your life and get ready for success."

Long Tok Pisin em, "Olgeta stori yu karim pen long em i gat gutpela stori long bihain. Olsem n a akseptim ol taim yu karim pen na redi long gutpela kaikai bai yu lukim."

Long wankain taim, wanpela brata bilong Jenny em John i tokim sait stori bilong em.

Taim Johnny i lukim wari na hevi we papamama bilong em i wok long bungim, bikpela tingting i kisim em long helpim Jenny.

Em i tingting strong long lusim sampela pasin na laipstail bilong em.

Johnny Karagos i bin pinisim Gret 10 long Karkar Hai Skul long Madang yet na stap wantaim papamama bilong em long ples Sugar. Olsem ol planti yangpela pipel, em i save smuk na dring.

Taim susa Jenny i go long Malala Sekonderi long wokim Gret 9, em bin go long wanpela sios prea grup.

Na wanpela Baibel teks bilong Jeremiaiah 1:5 i senisim tingting na laip bilong em long mekim wok bilong Bikpela na lusim ol pasin n a kain laipstail em bin gat long en.

Long helpim gutpela susa bilong em Jenny, em i stopim em yet long noken kaikaim rais, buai na dring.

"Long dispela taim, mi tok nogat long simuk, kaikai buai, dring bia na raun nating, go long danis na tu, mi rausim rasta stail gras bilong mi," Johnny i tok.

Johnny i tok laik bilong em long Bikpela na pre olgeta taim i go long Holi Spirit i bin givim em strong na belgut na nau em i strong long yut wok na komyuniti, na sios wok.

Long Not kos long Madang, Johnny i memba bilong pilai hoki tim we i save makim provins long ol nesenel pilai resis.

Antap long dispela, em save pas long sios musik, na givim toktok long ol yangpela long ol yut bung.

Ol lain long ples bilong em i tok Johnny i gat gutpela lidasip kwaliti. Planti taim, ol i save makim em long ol eksekyutiv posisen long ol yut na sios komiti.

Johnny i tok em no kisim wanpela lidasip trening, tasol em i bilip long Bikpela na kisim ol lidasip posisen ol i makim em long en na lainim taim em i mekim wok.

Long dispela yia taim Jenny i stat wok olsem tisa, Johnny i go long wanpela skul long Lae, Morobe provins.

Long wankain taim, Jenny na barata Johnny i bin go pas long redim wanpela famili bung kaikai we Jenny i bin tok tenkyu long papamama bilong em long olgeta hatwok ol bin mekim na Jenny inapim driman bilong em.

Moa pipel long wol ronawe lusim ples

MOA pipel i gat long em ol liklik pikinini, ol skul pikinini, ol meri, ol lapun na ol man long wol i bin ronawe lusim ol asples stret bilong ol long painim seif ples long stap long en long las yia, Yunaitet Nesens Hai Komisn bilong Refuji (UNHCR) ripot i tok.

Mak bilong ol refuji o ol lain i ronawe lusim asples bikos long pait o sampela kain naturel o man i

wokim hevi i bin go antap tru long 800,000 mak.

Ripot we UNCHR i bin autim long las wik, Jun 19, i tok dispela em i bikpela mak tru we long wanpela yia, moa pipel i bin lusim ol asples bilong ol na kamap ol refuji na painim seif ples long stap long en.

Global Tren 2011 ripot bilong UNHCR i tok stat yet long 2010,

planti ol hevi i bin stat long yia 1010 long Ivory Kos long Afrika, Libya, Somalia, Sudan na wanem hap moa i bin fosim moa long 4.3 milien pipel i lusim ol asples bilong ol na 800,000 i bin kamap ol refuji.

Long wol, 42.5 milian pipel long wol i bin ronawe lusim ples na kamap olsem ol refuji (15.2 milian), ol dispela i bin lusim ples tasol i stap insait long ol wan wan

kantri bilong ol em 26.4 milian, na 895,000 i wok long painim kantri long stap long em.

Skelim long 10-pela yia, ripot i soim sampela samting bilong wari long en long sait bilong planti lain i wok long ronawe lusim ol asples bilong ol.

Em long planti lain em sampela samting i fosim ol i lusim ples na dispela i wok long kamapim hevi

long planti pipel long wol. Insait long las 5-pela yia moa long 42 milian pipel i bin ronaew lusim asples bilong ol. Narapela samting em, ol pipel i kamap refuji bai stap olsem long planti yia insait long refuji kem long eben eria. Long 10.4 milian refuji pipel we UNCHR i lukautim ol, 7 milian i stap long kem olsem ol refuji long laspela 5-pela yia.



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

Ol obseva amamas long gutpela voting long Pot Mosbi

OL ileksen opisal long Pot Mosbi, kapitel bilong Papua Niugini i tok voting long nesenel ileksen i kamap gut, i kam inap nau.

Tasol ol vota i bin we planti aua long ol poling stesen i op long Pot Mosbi na i tok Iktoral Komisin i mas surukim taim bilong vot.

Wanpela vota i bin tokim ABC olsem, ol i wet pinis tupela aua, na ol samting i wok long stat leit.

em i bin tok lain i wok long i go longpela na em i hop em bai pinis vot long taim, tasol sapos nogat, ol i mas surukim taim.

Bipo Praim Minista bilong Vanuatu, na het bilong Komonwel Obseva Grup, Edward Natapei i tok em i amamas long gutpela vot long kapitel, bihain long trabel i bin stat long wiken long sampela hap long Hailans.

Ol vot long sampela hap bilong Papua Niugini bai go het, inap long Fonde bilong wik bihain.

Australia Gavman i tok em i gat gutpela tingting na laik long jeneral ileksen long PNG, maski vot i bin stat leit long sampela eria, na ol wari bilong paulim mani na ol samting.

Palamen Sekreteri bilong Pasifik Afes long Australia, Richard Marles, i tok i tru ol i no nap save long wanem samting bai kamap bihain long Papua Niugini, tasol kantri i go het long soim olsem em i gat strongpela tingting na laik long demokrasi.

Em i go het na i tok ol i gat strongpela bilip long dispela ol ileksen na politiks bihain long ol olsem ol i save i gat long ol ileksen i go pinis.

Richard Marles i tok, bikpela samting tru long Papua Niugini bihain long independens, i bin wanpela demokratik kantri.

I gat 4,700 poling stesin, na



Ol Nu Saut Wels tisa straik

OL skul tisa bilong Nu Saut Wels i kamap long wanpela straik miting long Sidni long Trinde dispela wik. Straik bilong ol em long agensim plen bilong gavman long rausim pawa long ol skul we i pasim wanpela oda i kam long Industrial Rilesens Komisin i go long ol tisa, long noken straik.

1,700 long ol i stap long ol ples longwe we ol i yusim balus na helikopta long i go long ol.

Ol PNG yut i vot tu

OL pipel bilong Nesenel Kapitel Distrik long Papua Niugini i bin vot bilong makim ol nupela palamen memba bilong ol.

Na wankain olsem ol narapela hap bilong PNG, planti long ol vota em ol yangpela pipel husat i mekim namba wan vot bilong ol tru.

Wanpela long ol dispela yangpela pipel em Loreen Iki, krismas bilong en, 18, na em i save stap long Gordons, wanpela sabeb long Nesenel Kapitel Distrik.

Solomon Ailans prais i antap tumas

EM I tu let nau long mekim ol senis long prais o pe bilong olgeta samting long Solomon Ailans long dispela taim bilong Festival ov Pasifik Ats.

Dispela em i toktok bilong Festival Dairekta, Robert Au.

Mista Au i bin mekim dispela toktok bihain long Siameri bilong Festival ov Ats, Doreen Kuper, i bin autim wari bilong en i go long ol woknius olsem ol lokol kava man, ol atis, henkraf na ol narapela lain, i noken apim tumas ol prais bilong ol samting.

Tasol Mista Au i tok, em i tu let nau long ol i wokim ol senis long wanem ol kain ples olsem

ol hotel na ol narapela binis haus i stat apim pinis prais bilong ol samting.

Pasifik Netbol resis i stat long Fiji

FIJI nau i hostim Pasifik Netbol Siris, em bai ol i mekim long Vodafone Arena long Suva.

Ol netbol tim bilong Cook Ailans, Fiji, Papua Niugini, Samoa, na Vanuatu i stap insait long dispela tonamen.

Dispela netbol siris tonamen i kikap long Tunde, na bai pinis long Sande.

Ol ripot i kam long Fiji i tok Fiji i wari liklik long Papua Niugini netbol tim, ol Pepes, long wanem ol i tok em i wanpela strongpela tim tru.

Solomons midia i halivim long painim pikinini meri

POLIS bilong Solomon Ailans i tok ol woknius o midia i bin mekim gutpela wok long ol i painim wanpela pikinini meri em i gat siksipela krismas, em i bin lus long Sande long wik i go pinis.

Polis i tok, bihainim ol gutpela wokbung bilong ol woknius, wanpela famili, husat i bin painim dispela liklik gel, nem bilong em Nevalyn Lusiara, i bin kisim em i go long Polis long Tunde nait.

Polis i bin stat putim aut ol toksave bihain long famili memba bilong Nevalyn Lusiara, i bin go toksave long polis olsem dispela gel i bin lus long Sande.

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



WANTOK
KOMENTRI

Yu ting yu vot stret?

SAPOS yu wanpela man o meri bilong tingting na mekim samting, ating bai yu mas skelim tingting long vot bilong yu.

Dispela vot, em i wanpela rait bilong yumi wanwan, we narapela i no inap long givim. Em yumi tasol i ken givim vot bilong yumi.

Tasol olsem wanem long dispela tingting insait long vot nau i wok go het?

Long namba wan de bilong vot insait long kantri, yumi harim ol stori olsem long Hailans, ol i stat long stilim ol balot bokis pinis.

Na tu long ol arapela rijen, i gat ol manmeri i wok long giaman na traim yusim nem bilong ol arapela lain long vot.

Sampela lain, husat i wok vot long olgeta ileksen bilong bipo yet, i kam inap long nau, i no inap vot bikos ol i sekim nem, na nem bilong ol i no stap.

Olsem wanem long ol dispela lain?

Sapos ol lain brata susa bilong yumi long Hailans rijen i no lukim balot pepa, em i stret long wanpela lida i kamaut long ileksen long hap?

Na sapos bikpela namba bilong ol vota nem i no stap long ilektoral rol, bai ol i yusim dispela rait bilong vot olsem wanem?

Nau yet, yumi wok harim ol stori long ol manmeri i belhat na tok olsem ating Ilektoral Komisen i mas go bek na yusim olpela rol bilong las ileksen.

Tru tumas, dispela em i wanpela giaman sut tok tru.

Olgeta wok PNG Ilektoral Komisen i wok mekim long stretim ilektoral rol, em ol i mekim long strongim tasol rol ol i yusim long las ileksen.

Long wanem as na dispela ol rol nau ol i holim long ol poling stesin i no gat nem bilong ol olpela vota manmeri, em nau, bai yumi nidim bikpela glas long glasim gut ol han i wok holim ol dispela rol bihain long rol i lusim Mosbi na i go bek long ol provins.

Planti manmeri i yusim rait bilong ol long vot, na ol i go sanap isi na vot. Planti tude i luksave long strong bilong ol olsem wanwan manmeri bilong PNG.

Yumi olgeta i mas strongim dispela luksave na tok klia long ol brata susa na hauslain bilong yumi olsem beltait bilong gris bilong ol kendidet, em bai kamap, na bai pinis kwik. I no inap stap longpela taim.

Tasol beltait bilong gutpela vot, na gutpela lida, i ken lukautim yumi na sindaun bilong ol tumbuna bilong yumi i go longpela taim moa.

Sapos yu no vot yet, tingim dispela. Vot bilong yu em i bikpela samting.

Vot gut, noken kilim skin

Taim bilong Papua Niugini long votim lida bilong ol bai stat long dispela wik Sarere 23 Jun insait long planti hap bilong kantri. Na dispela em wanpela taim ol pipel bilong Papua Niugini save makim ol lida bilong ol inap narapela 5-pela yia gen.

Planti bikpela kempen i raun pinis long olgeta kona bilong provins na yumi harim pinis mauswara na kempen bilong ol kendidet na ol pati lida long wanem samting ol laik mekim taim ol kamap lida na memba bilong palamen.

Tasol long makim vot long balot pepa em laik bilong wanwan nau. Long bel na tingting bilong em long makim husat lida em samting bilong yu wanwan bikos pasin bilong yu long skelim samting ino wankain long tingting na pasin bilong narapela man o meri. Wanem kain naispela tokok yu harim long kempen bilong husat kendidet em i no wankain long ia na skelim bilong narapela manmeri. Olsem na taim bilong makim vot em laik bilong wanwan stret.



Tingim, nogat wanpela man bai pretim yu long votim em na tu nogat man bai save long husat em yu votim bikos strongpela sekyuriti gad bai stap na yu ken makim vot bilong yu long laik tasol.

Lo bilong kantri i tok long yumi mas votim lida bilong yumi isi tasol na nogat wanpela samting bai stopim na pretim yumi. Ol tok vot bilong mi mas klia na fea na mi no inap prèt long husat.

Yumi bin harim planti kempen ol pati lida bin mekim raunraun long olgeta hap kona biong Papua Niugini long sanapim ol kendidet bilong ol.

Yumi lukim ol bikpela pati we ol i gat mani long baim balus na helikopta long raun mekim kempen olsem Pipels Nesanel Kongres (PNC) aninit long Praim Minista Peter O'Neill, PNG Pati

aninit long Deputi Praim Minista Belden Namah, Nesanel Alaiens (NA) pati aninit long Gren Sief Sir Michael Somare, Pipels Progress Pati (PPP) aninit long Sir Julius Chan na arapela pati moa. Yumi harim na lukim ol pati lida olsem Don Polye, Peter Yama, William Duma, Paias Wingti, Powes Parkop, Garry Juffa na arapela tu bin kamaut na mekim ol kempen toktok long sapotim ol kendidet bilong ol tu.

Em taim bilong nesanel ileksen na yumi harim pinis kainkain toktok na promis na ol stail bilong kempen long grisim vot bin kamap pinis. Yumi no nupela long ileksen bikos yumi bin lukim pinis ol pasin na stail bilong ileksen long bipo na yumi klia gut long ol wanem kain samting save kamap.

Sampela kempen bin kamapim pait na dai pinis long sampela hap bilong Hailans provins na dispela em no nupela samting. Kain trabel olsem save kamap bipo.

Tasol ol pipel mas save olsem sapotim kendidet long

winim eleksen em narapela samting na kendidet long win na bringim sevis na developmen long yumi em narapela samting. Nogut yumi kilim skin na kisim bagarap nating na kendidet i win na go lus tingting long yumi olgeta. Pen na bagarap yumi kisim long ileksen taim bai lus nating.

Tingim yumi laik makim gutpela lida bilong go long palamen na mekim gutpela disisen bilong bringim sevis na developmen long yumi. Yumi laikim gutpela rot, bris, skul, haus sik, ples balus, ol sans bilong mekim bisnis mas kamap gut na wok agrikalsa na kamap gut na planti arapela samting moa yumi laikim.

Yumi no salim lida go bilong mekim bisnis bilong em yet, nogat. Lida go long tingim hevi na bagarap yumi stap long en na painim helpim na kisim kam.

Olsem na makim lida long raitpela pasin na noken kilim skin long pait na birua na bai yu go kalabus stap na memba bai kaikai gut na amamas raun stap.

WANTOK

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Rais em i 'marasin'

...pikinini save stop krai taim em lukim rais

James Kila i raitim

LONG ol rurel viles na haus-lain bai yu lukim olsem taim wanpela pikinini i krai tumas na tanim tanim long graun, na papa-mama i givim em rais, wantu tasol em bai stop krai.

Long Madang provins planti lain i save kolim rais olsem 'marasin' bikos taim ol i kaikai rais ol i save tok ol save filim orait stret.

Yes, rais nau i kamap olsem wanpela bikpela kaikai, o min olsem moa pipel i save laikim rais na em i kamap olsem kaikai tru bilong yumi lain bilong PNG.

Insait long Madang provins, sampela komyuniti long rurel eria i go het long planim rais na milim na kaikai wantaim famili bilong ol.

Wanpela long ol dispela komyuniti em bilong Bom viles, long Bugati eria long Astrolabe Be lokal level gavman long Raikos distrik long Madang provins.

Long las wik Fonde, ol pipel bilong Bom viles i bin redim wanpela gutpela progrem tru we i lukim tripela rais teknikal saveman bilong Japan i bin mekim lukluk raun bilong ol i go long ol rais gaden bilong ol na tu i bin go bung wantaim ol long ples bilong ol.

Tripela teknikal saveman bilong Japanis Intanesenel Koporesen Ejensi (JICA) i bin kisim gutpela welkam tru taim ol i bin go mekim lukluk raun bilong ol long ol smolholda rais projek insait long Bom eria long Astrolabe Be, Madang provins.

Ol dispela lain bilong JICA wantaim Fud Krop kodineta bilong DAL long Madang, Mary Lilih wantaim ol agrikalsa ofisa bilong Ramu

NiCo i bin raun lukim ol rais projek klostu long Bom viles.

JICA i bin helpim long promotim smolholda rais prodaksen stat long 2003 i kam inap nau insait long ol ekstensen program bilong en long tripela provins long PNG, em long Madang, Is Sepik, Manus na Milen Be provins.

Lukluk raun bilong JICA i go long ol smolholda rais projek long Bom em i bin kamap bihain long ol JICA lain i laik wok bung wantaim ol developmen patnas husat i promotim rais prodaksen insait long kantri. Ol i lukim olsem developa bilong nikel na kobalt projek.

Dispela JICA delegesen husat i bin mekim lukluk raun i go long Madang em Dokta Hiromitsu Iwamoto, husat em tim lida na em yet em Project Fomulesen Edvaisa. Tupela arapela em Noriyuki Ito, em asisten teknikal ofisa bilong JICA PNG Ofis na Tatsuo Fujita, husat em sif edvaisa long sait bilong ekstensen trening na menesmen, na man husat i gat moa save long rais.

Dipatmen ov Agrikalsa na Laipstok (DAL) Fud Krop opisa, Mary Lilih i bin bihainim ol dispela lain JICA ofisa long lukluk raun bilong ol i go long ol smolholda rais gaden long Erima na i go olsem long Bom. Ol i statim lukluk raun bilong ol long Erima we ol i go lukim rais gaden bilong Denmark Taraba, na bihain ol i go long gaden bilong Daniel Abuta long we em i brukim graun pinis long planim rais bilong em.

Bihain long en ol i go long Bom we ol i go lukim gaden bilong narapela fama gen na bihain ol i go long ples Bom we ol

Mista Paining i tok CA agrikalsa progrem em i gutpela wok long helpim na tu strongim gutpela pasin bilong wok-bung namel long ol komyuniti insait long Ramu Projek eria.

Lida bilong JICA delegesen i go long Madang, Dokta Iwamoto i tok olsem JICA i bin stat long sapotim wok bilong rais long Madang provins stat long yia 2003, na stat long dispela taim em i givim ol teknikal wokman bilong em long helpim long milim rais na tu lukautim wok bilong kontrol rais masin, we JICA i bringim i kam long PNG.

Dokta Iwamoto i tok PNG i gat gutpela graun tru na rais i ken gro gut tru, sapos fama i givim moa taim bilong em na tu redim gut graun long planim rais na lukautim rais long gro gut na kamapim gutpela kaikai.

Tupela JICA ofisa i teistim lokal Bom rais.



Lukluk raun long rais gaden long ples Bom.

Ol Foto: James Kila

viles pipel i bung na mekim naispela welkam tru long ol JICA lain ya.

Ol viles pipel i lukim lokal rais we ol i planim long en na givim ol ofisa bilong JICA long kaikai na teistim swit bilong en.

Dokta Iwamoto i tok olsem teis bilong lokal Bom rais i nais tru, na em i tok olsem JICA i redi long helpim ol fama long sampela samting bihain wantaim sapot ol i givim i go long Madang provinsal DAL.

Jeneral Menesa bilong Komyuniti Afes Dipatmen bilong Ramu NiCo, Martin Paining, husat i bin welkam long JICA delegesen long Madang, i tok olsem kampani bilong ol i laik lukim ol liklik manmeri long ples i holim strong wok bilong agrikalsa na sapotim sindaun bilong ol long taim bilong main opresen i go na tu bihain long main i pasim wok.

Mista Paining i tok CA agrikalsa progrem em i gutpela wok long helpim na tu strongim gutpela pasin bilong wok-bung namel long ol komyuniti insait long Ramu Projek eria.

Lida bilong JICA delegesen i go long Madang, Dokta Iwamoto i tok olsem JICA i bin stat long sapotim wok bilong rais long Madang provins stat long yia 2003, na stat long dispela taim em i givim ol teknikal wokman bilong em long helpim long milim rais na tu lukautim wok bilong kontrol rais masin, we JICA i bringim i kam long PNG.

Dokta Iwamoto i tok PNG i gat gutpela graun tru na rais i ken gro gut tru, sapos fama i givim moa taim bilong em na tu redim gut graun long planim rais na lukautim rais long gro gut na kamapim gutpela kaikai.



Naispela kala welkam long ples Bom.



Ol lain long Bom i soim rais ol i pasim long ol bek pinis.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanjela singsing blong bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7:05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7:05PM Musik na Chit Chat

Raun wantaim Wantok kru ...



Leonard Kania Junia na papa Heni Fuka stap wantaim long kantri klab long taim bilong lonsin. Poto Nicky Bernard.

LKJ kisim lewa bilong ol manmeri

Nicky Bernard i raitim

BIKPELA nait bilong Digicel Yumi fm musik awod bin kam long wiken go pinis, lukim planti ol yangpela musik manmeri bin winim sampela awod.

Dispela nait em so bilong papa na pikinini, Leonard Kania senia na dispela tupela papa na

pikinini bin winim sampela bikpela awod kam long Digicel na Yumi fm.

Leonard Kania junia bin pulim lewa na ai bilong ol manmeri husat bin go long dispela nait, long dispela yangpela mangi i save ron long wil sia. Em yet save raitim singsing bilong em na mekim musik bilong em

Tingting bilong Leonard Kania junia long

bihain papa bilong em na ol Kania famili long wanem olgeta e mol laini bilong singsing na mekim musik bilong ol yet. Olsem na dispela kirapim tingting Junia long kamap olsem ol.

Leonard Kania junia i winim Roki ov da yia awod na ovarol atis ov da yia namel long 17-pela awod we digicel na yumi fm bin givim aut long dispela nait.

93.7FM YUMIFM National Weekly Hit Parade: Produced & Host by: Kasty. Table with columns: Week Before, Last Week, This Week, Charting Song, Artist.

EMTV Television Guide

FONDE 28 Jun, 2012

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS

9:00 PM G SOCCER EXTRA
9:08 PM G HOT SPOT
9:30 PM G NRL FOOTY SHOW

FRAIDE 29 Jun, 2012

5:00 AM G JOYCE MEYER
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS

4:30PM - KITCHEN WHIZ
4:57 PM G EMTV TOKSAVE
5:00 PM G HOT SOURCE

SARERE 30 Jun, 2012

6:00 AM STATION OPENS
7:00 AM G WAYBULOO
7:30 AM UNTIMATE GUINNESS

7:30 PM G NRL ROUND 11
Cowboys vs. Panthers
9:30 PM G SUPER 15 RUGBY

SANDE 31 Jun, 2012

5:00 AM G SUPER 15 RUGBY
Crusaders vs. Blues "Repeat"
7:00 AM G HILLSONG

4:00 PM G NRL ROUND 11
Dragons vs. Rabbitohs
6:00 PM G NATIONAL EMTV NEWS

MANDE 1 Julai, 2012

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST

TORO



BIABIA



KANAGE



TOKWIN

Ren bagarapim posta

PLANTI ol posta bilong ol kenidet long Pot Mosbi i bin wet long tupela de ren, dispela ol posta ol mekim long pepa, plani bilong ol ren i bagarapim nogut tru.

Dispela em mak bilong yusim narapela mani gen long mekim nupela, na taim bilong kepen tu em sot nau na planti ol kenidet wok traim long karamapim bikipela hap ples long kisim vot bilong ol manmeri.

Dispela ren long Mosbi bin wasim

pes bilong ol kenidet gut tru wantaim posta bilong ol, planti manmeri long rot i tok larim ren wasim pes bilong ol, taim bilong ileksen yumi lukim kainkain pes na taim ileksen pinis dispela ol pes ya bai go hait na ren no inap wasim ol gen.

Gutpela toktok kam long kempen

OL kenidet i wok long mekim ol gutpela toktok long taim bilong kepen, tasol ol dispela toktok bai karim kaikai bilong em sapos ol win long go long Waigani? Dispela em bai askim bilong yumi

ol wanwan manmeri, dispela liklik piga bilong yumi ol lain bai makim long tupela minit tasol na namba yu kamapim pinis long vot. Dispela em no longpela taim laka, tasol dispela wari na laikim bilong long sevis yu ting bai yu kisim long tupela minit olsem yu makim piga bilong yu.

Tingting na save stap long yumi wanwan manmeri, na sapos tingting bilong yumi orait na mak bilong vot bilong yumi orait kaikai bilong em bai kam long tupela minit tasol sapos askim bilong yumi go long dispela man o meri yumi makim.

Table with 10 columns and 10 rows of letters, likely a word search or crossword grid.

Painim ol dispela toktok bilong ron long balus:

Table listing items and their corresponding categories: BALUS, AIR NIUGINI, AIRLINES PNG, MAF, ISLANDS NATIONAIR, PLES BALUS, KAGO, TI, KOPI, JIUS, BISKET, SIA LET, SIA, TIKET, SEKIN, SEKYURITI, LAIP JAKET, EA HOSTES, PALOT, SUTKES.

Two 5x5 grid puzzles with numbers, likely Sudoku or similar logic puzzles.

Two 5x5 grid puzzles with numbers, likely Sudoku or similar logic puzzles.

Ansa bilong las wik Sudoku

A crossword puzzle grid with some letters filled in, including words like 'KALAN', 'KOKO', 'PATOL', 'SUBG', 'NOLIBLUAP'.

Ansa bilong las wik Pasol

EMTV Television Guide

12:05 PM AUSTRALIAN NETWORK
1 PM - 3 PM G CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER
3:30PM - NEW MACDONALD'S FARM
4:00PM - THE SHAK
4:30PM - KITCHEN WHIZ
4:57 PM EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
5:55 PM CRIME STOPPERS
6:00 PM G NATIONAL EMTV NEWS
7:00 PM G NRL ROUND# 10
Panthers vs. Dragons - Live/CH.9
8:57 PM G EMTV TOKSAVE
9:00 PM G TOK PIKSA
9:30 PM G SPORTS SCENE
10:00 PM G SUPER 15 RUGBY

Reds vs. Chiefs "Replay"
12:00 AM G EMTV NEWS REPLAY
1:00 AM AUSTRALIAN NETWORK
TUNDE 2 Julai, 2012
5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS
9:50 - 10:30 GRADE 7 SCIENCE
10:40 - 11:15 GRADE 8 MATHS
11:20 - 12:00 GRADE 8 SCIENCE
12:00 AM G MIDDAY NEWS UPDATE
12:30 PM G AUSTRALIAN NETWORK
1 PM - 3 PM CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER

3:30PM - NEW MACDONALD'S FARM
4:00PM - THE SHAK
4:30PM - KITCHEN WHIZ
4:57 PM G EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
6:00 PM G NATIONAL EMTV NEWS
7:00 PM G HAUS & HOME
7:27 PM G EMTV TOKSAVE
7:30 PM THE VOICE S1
Performances Part 1
9:30 PM G FUNNIEST HOME VIDEO SHOW
10:30 PM EMTV NEWS REPLAY
12:00 PM Australia Network
TRINDE 3 Julai, 2012
5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS

9:50 - 10:30 GRADE 7 SCIENCE
10:40 - 11:15 GRADE 8 MATHS
11:20 - 12:00 GRADE 8 SCIENCE
12:00 AM G MIDDAY NEWS UPDATE
12:30 PM G AUSTRALIAN NETWORK
1 PM - 3 PM CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER
3:30PM - NEW MACDONALD'S FARM
4:00PM - THE SHAK
4:30PM - MR. MAKER
4:57 PM G EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
5:57 PM G CRIME STOPPER
6:00 PM G NATIONAL EMTV NEWS
7:00 PM G THE WORLD AROUND US - The War Reporter
8:00 PM G ULTIMATE GUINEAS WORLD RECORD

8:30 PM G THE SECRET MILLIONAIRE S1 - EP#6/6
9:30 PM SURVIVOR Returns.....One World
The 24th Edition of the reality series strands 18 castaways on a single Samoan beach, where they are divided into all-male and all-female tribes to vie for the \$1 million top prize.
10:27 PM G EMTV TOKSAVE
10:00 PM G NRL ROUND 10 HIGHLIGHTS
10:30 PM G EMTV NEWS REPLAY
11:30 PM - Australia Network - NEWS REPLAY
Program bai senis long taim bilong en..

WOLNIUS LONG POTO...



Brukim ol strongpela dring

WANPELA opisal bilong Pakistan gavman i yusim wanpela stimrola long memeim ol botol strongpela dring long wanpela luksave long makim Intanesenel De agensim Drag Abius na Iisit Trafik long Karachi long Tunde dispela wik. Yunaitet Nesens Opis long Drag na Kraim (UNODC) i autim wanpela enual ripot na tok olsem Pakistan i no gat moa plaua bilong mekim drak, tasol em i wanpela rot bris bilong karim hait ol drag, manimak bilong ol abrusim US30 bilian dola i kam olsem long Afganistan.




I no holdap

WANPELA ektivis man i haitim pes bilong em wantaim wanpela mask i baim wanpela ken dring long stua bihain long em i bin mas wantaim ol arapela protes lain long taim Pipels Samit fo Sosol na Envairomen Jastis in Difens ov da Komons i kamap wantaim UN Konfrens long Sastenabol Dvelopmen, long Rio de Janeiro, Brasil, asde.

Lismore Lam Pared

OL PIPEL i karim wanpela traipela lam na wokabaut long ples Lismore, long Noten Nu Saut Wels, long Australia long makim Lismore Lanten Pared long las wik Sarere.



SU KAR

TRU tumas, i gat kar i luk olsem su tu ya! Dispela kar bilong ples Pensilvenia (Pennsylvania) long Amerika. Em wanpela promosen kar bilong L.L. Bean stua long Saucon Veli long Senta Veli. L.L. Bean em i stua i save salim ol su.



Maroons polis kar

OL Nu Saut Wels Blus sapota i noken bikhet taim ol i kamap long Brisben (Brisbane) long lukim namba tri gem bilong Stet ov Oriijin neks wik. Nau ol Maroons i gat polis kar bilong ol. Long Mande dispela wok, Kwinslen Polis Komisina, Bob Adkinson, i bin lon-sim Kwinslen Polis Stet ov Oriijin Polis Kar long Brisben. Em i polis kar, tasol ol kala bilong en i no blu. Em i marun. Na traipela piksa bilong rokrok tu i silip antap long bonet bilong en.



I Hat long mekim bisnis long PNG

Aja Alex Potabe i raitim

PNG em i wanpela ples we em i hat stret long mekim bisnis tasol ol strongpela manmeri i save strongim sait na mekim bisnis long hia, papa bilong wanpela helikopta kampani i tok.

Menesing Dairekta na CEO bilong Helifix Investment, Robert Agarobe, i tok em i hat long mekim bisnis long PNG bikos nem bilong PNG olsem gutpela

kantri bilong mekim invesmen o putim mani i go insait long bisnis em i bin bagarap pinis.

Agarobe em i wanpela kendidet husat i sanap na resis long kisim sia bilong NCD Rijenal sia, we Powes Parkop i bin holim i stap.

Em i mekim dispela toktok long wanpela rali bilong en long Hanuabada, Mosbi las wik Fraide nait.

"I nogat bel isi i stap. Loa na oda asua i groa moa i go antap. Rot, bris, sip bris na ples balus i

no stap gut. Dispela i mekim ples i hat stret long mekim bisnis long hia,' Agarobe i tok.

Em i tok planti gutpela samting biong mekim mani i kamap long hia tasol, bikos long ol dispela asua, long mekim bisnis long PNG em i save kamap hatwok tru.

Long groim bisnis, yu mas gat ol gutpela wok manmeri bikos save bilong ol tasol bai mekim bisnis i groa gut. Tasol long PNG,

yumi nogat moa save manmeri, em i tok.

"Kampani bilong mi Helifix i gat moa long 60-pela ol ausait manmeri i kam long arapela kantri. Long haiarim ol dispela kain wok manmeri em i bikpela mani stret.

"Mipela i wok long haiarim ol bikos PNG i nogat dispela kain save man long mekim wok. Dispela i save mekim hat long mekim bisnis hia long PNG," Agarobe i tok.

Maski ples i hat long mekim bisnis, em i bin statim bisnis bilong en wantaim K400 na wanpela tul bokis tasol. Nau kampani bilong en i gat 13-pela helikopta i stap.

Em i tok sapos em i ken groim Helifix long K400 tasol, em i ken senisim Mosbi siti na NCD sapos em i winim sia bilong NCD gavana.

Rouna papagraun kisim K500,000 long gavman

OL KOIARI papagraun bilong Rouna Haidro long Sogeri, Sentral Provins i kisim tripelasek long mani mak K500,000 i kam long gavman, husta i makim maus bilong PNG Power Limited (PPL) na Eda Ranu.

Taim ol i kisim dispelasek las wik Fraide long 8-kilok nait, Sif Sekretari bilong Gavman, Manasupe Zurenuoc, i tok dispela mani i kam long tripela hap: K300,000 long Nesenel Gavman, K100,000 long PPL na narapela K100,000 long Eda Ranu.

"Dispela mani mipela i givim long foapela ol hausman o klen, husat i tru tru papagraun bi-

long Rouna Haidro Plent eria, na ol dispela klen em i Omani, Nadeka, Narimi na lanari klen," Zurenuoc i tok.

Wan wan klen lida i soim dispela agrimen long pepa, we Zurenuoc i sainim long en

Bipo gavman i bin tok promis long givim dispela mani long ol papagraun bilong Rouna, tasol ol i no bin kisim i kam inap nau.

Ol papagraun i tok ol i amamas wantaim Praim Minista Peter O'Neill bikos em yet i bin go long ples stret na lukim ol, stretim asua bilong ol, na stretim hariap long nem bilong ol pipel.



KISIM MANI...Ol Koiari papagraun i kisim mani long Sif Sekretari, Manasupe Zurenuoc las wik Fraide. Foto: PM's Media Unit

Ol i tok Sir Micheal Somare na gavman bilong en i bin bagarapim ol wansait stret.

"Wara bilong mipela i namba wan samting. Laip long Mosbi siti em i stap bikos long wara bilong mipela

tasol. Nogat, ples bai kamap olsem wanpela drai ples, we nogat wanpela samting bai groa. "Olsem na

mipela i amamas long Sif Sekretari i makim maus bilong gavman na luksave long namba wan samting

wara bilong mipela i save mekim long laip bilong manmeri long Mosbi siti," ol i tok.

RAMU NIKEL MAIN...Highlands Pacific Ltd i gat 8.56 pesen sea long dispela namba wan nikel na kobalt projek long kantri.
Foto: Ramu Nico



Highlands Pacific, PNGSDP kamapim agrimen

HIGHLANDS Pacific Ltd (HIG) i kamapim wanpela strongpela agrimen wantaim PNG Sustainable Development Program Ltd (PNGSDP).

Ol i kolim dispela agrimen Sea Plesmen Agrimen (Share Placement Agreement), we PNGSDP bai givim 15 milian US dolars long HIG.

Long kamapim dispela, PNGSDP bai baim 102, 930, 373 sea bilong HIG long kamapim 15 milian US dolars.

PNGSDP bai baim ol dispela sea long sea prais 14 dola 5 sens (14.5) long wan-wan sea.

Taim dispela mani i go insait long HIG, dispela kampani bai gat 23 milian long kes risev, we dispela i ken helpim HIG long mekim ol eksplorsen wok long Star Mountains long 18-24 mun.

Aninit long dispela agrimen, HIG bai makim wanpela mausman bilong PNGSDP long kamap wanpela bot

memba bilong HIG.

Taim PNGSDP i peim baim dispela sea pinis, em bai gat 13.04 pesen sea long HIG.

HIG Menesing Dairekta, John Gooding, i tok; "Dispela nupela agrimen wantaim PNGSDP i ken kamapim moa benefit long HIG, we PNGSDP i gat gutpela poroman wantaim ol pipel bilong PNG na Westen Provins."

PNGSDP em i kampani bilong ol papagraun bilong Ok Tedi Maining Limited. Ol i bin kamapim dispela kampani long yia 2002, nau em i gat moa sea long Ok Tedi Maining Projek.

HIG em i wanpela maining kampani tu na em i gat ol join vens projek long Ramu Nickel Projek (wantaim MCC) na Frieda River Kopa Projek (wantaim Xstrata).

Nau em i laik mekim ol ekploresen wok wantaim PNGSDP long Star Mountains, klostu long Tabubil.

Milen Be ken pulim moa turis



SAPOTIM TURISIM...O'Neill i bilip strong long Milen Be olsem wanpela ples long pulim moa turis i kam long PNG. Foto: PM's Media Unit

MILEN Be em i wanpela stailpela provins insait long kantri we em i gat pawa long pulim moa turis i kam insait long kantri, Praim Minista Peter O'Neill i tok.

"Bikman i blesim Milen Be narapela kain stret wantaim gutpela pasin tumbuna, kastom na ol stailpela ples na ailan. Em i gat olgeta samting wanpela turis i ken tingim long het bilong en," O'Neill i tok.

Em i tok longpela taim stret ol bipo gavman i bin givim baksait long turisim indastri, we dispela indastri i ken winim ol arapela indastri insait long kantri sapos gavman i luksave gut na putim moa mani i go insait long en.

Em i tok gavman bai nau givim K10 milian olgeta yia long Turisim Promosen Atoriti (TPA) long kempen long PNG olsem wanpela gutpela ples bilong turis, na tu larim moa turis manmeri i kam insait long kantri olgeta yia.

"Gavman i tingting tu long putim wanpela nupela yuni-vestiti bilong turisim na hospitaliti tasol long Milen Be, tasol nau yet ol i nogat taim long mekim dispela bikos em i ileksen taim.

"Olsem na bihain long dispela ileksen taim memba bilong yupela na mi go bek long palamen, bai mipela i go isnat stret long dispela namba wan projek," O'Neill i tok.

Wantaim fri edukesen polisi bilong gavman, O'Neill i tokim gen ol Misima pipel olsem em bai tanim pipel Hai Skul i kamap sekendari skul, na larim moa pikinini i go skul na kisim save long kirapim dispela kantri.

Em i tokim ol pipel olsem ol memba na lida bilong Milne Be i bin sapot strong long holim gavman long taim nogut, na nupela gavman, we O'Neill i bilip em i bai bosim, bai nonap lus tingting long ol pipel bilong Milen Be.

Niugini Gold Traders save baim gol long gutpela prais

Aja Alex Potabe i raitim

PAPUA Niugini em i pulap long gol, kopa na ol arapela mineral tasol ol bikpela foren maining kampani tasol i wok long mekim moa mani long gol bilong mipela.

Planti manmeri PNG i kam long ol gol maining eria olsem Mt Kare, Porgera, Wau, Bulolo, Buka, na arapela hap bilong kantri, we aluvial gol maining i save helpim ol long mekim liklik mani long lukautim ol yet.

Taim ol dispela bikpela maining kampani i mekim moa mani, ol liklik manmeri o aluvial maina i ken salim gol bilong ol tu long gutpela prais wantaim Niugini Gold Traders (NGT).

NGT em i nupela kampani bilong PNG yet, na em i nau wok long baim gol long gutpela prais. Prais bilong en i winim prais bilong ol arapela biknem gol baia.

Menesing Dairekta bilong NGT, Andy al-Jamali, i tok kampani bilong en i nau luksave long ol liklik manmeri husat i save kisim liklik gol taim ol foren kampani i save kisim bikpela gol na mekim bikpela mani.

"Mineral Risos Atoriti (MRA) i luksave pinis long 'smol-skel maining' long larim ol manmeri i mekim mani na sapotim laip bilong ol yet aluvial maining.

"Wantaim dispela tok orait i kam long gavman, ol manmeri i stap

long gol maining eria i mas painim gutpela baia long salim gol bilong ol bikos ol i save hatwok long painim," al-Jamali i tok.

Em i tok NGT i nau luksave long hatwok ol manmeri i save mekim long painim gol, na em i wok long baim gol long gutpela prais tru.

"Mani mak bilong gol bilong yu em i antap moa. Mipela i nau luksave long dispela. NGT laik sevim ol liklik ples manmeri olsem long Mt Kare, Paiela na Lower Porgera, we ol i save salim gutpela gol bilong ol long liklik mani tasol," al-Jamali i tok.

Em i tok NGT i laik helpim ol liklik manmeri bilong salim gol long sevim mani bilong ol na yusim mani gut.

"NGT i no tingting long baim gol tasol. Em i laik skulim ol liklik manmeri long salim gol gut, basetim mani bilong ol gut, lainim ol long statim ol liklik bisnis, na tu helpim ol long mekim ol arapela invesmen olsem baim sea, mekim join vensa bisnis, na ol arapela skul.

Al-Jamali i tok NGT i tingting long skulim ol klaien o kastoma bilong en long pasin bilong painim gol, wasim gol, meltim gol na salim gol i go aut long intenesenel maket, we ol liklik manmeri i ken kisim moa mani tu olsem ol bikpela gol maining kampani.

Long moa askim, ringim al-Jamali long telepon 343 6639 o mobail pon 7286 4490.

Senisim Bulet Tren i go Bafalo



DISPELA foto i soim wanpela bafalo we wanpela model rais fama bilong ples Erima, Daniel Aputa. Long las wik, ol opisal bilong Japanis Intanesenel Koporesen Ejensi (JICA), i bin mekim wok raun i go long eria bilong em. Tasol wanpela bikpela wara i pasim ol long wokbaut i go long hapsait bikos ol i werim su na soks.

Olsem na Daniel i tokim pikinini man bilong em long bringim bafalo bilong ol i kam na ol dispela lain teknikal opisa bilong JICA i kalap antap long en na em i bringim ol i go hapsait long wara.

Dispela JICA delegesen husat i bin mekim lukluk raun i go long

Madang em Dokta Hiromitsu Iwamoto, husat em tim lida na em yet em Projek Fomulesen Edvaise. Tupela arapela em Noriyuki Ito, em asisten teknikal opisa bilong JICA PNG opis na Tatsuo Fujita, husat em sif edvaise long sait bilong ekstensen trening na menesmen, na man husat i gat moa save long rais.

Dispela bafalo em bikpela pes long ples Erima long Astrolabe Be. Planti taim em i save helpim ol fama long ples long bringim paiawut, na tru, karim ol gaden kaikai bilong ol manmeri i go long ples. Moa long en tu, dispela bafalo i save helpim long brukim graun taim Daniel, i putim plau i

ain we i gat sap long en, we i ken brukim graun long redim long planim kaikai bihain. Long Erima, na tu long hap bilong Bom eria, bafalo em wanpela enimal we i save mekim hatpela wok long sevim ol lokol pipel. Long bipo, i bin gat skul bilong trenim ol man long kontrolim bafalo i stap long Nambawan Didiman klostu long Madang Tisa Koles long not kos rot long Madang. Tasol nau yet dispela ples i go bus na planti ol samting long hap i go bagarap bikos gavman i no save givim inap sapot long strongim na promotim agrikalsa wok insait long Madang provins na PNG.

- Foto na Stori: James Kila



GLASIM RAMU NICO PROJEK



Wanpela Ramu Nicos, Wanpela Komuniti

NCS-Raibus i kamapim gutpela sindaun bilong Ramu NiCo papagraun

NCS-Raibus ketaring sevis, kampani we save kukim kaikai or kamapim ketaring sevis bilong ol wokman na meri long Basamuk Refiniri na Kurumbukari (KBK) Main bilong Ramu nikel na kobelt projek long Madang, i save kamapim planti sans long wok bisnis, na wok bilong ol papagraun.

Dispela kampani tu em ol papagraun bilong Ramu NiCo i papa long em, wantaim wok jon vensa (JV) wantaim Nesenel Ketaring Sevis (NCS), kampani bilong ol papagraun bilong Lihir.

NCS i gat 50 pesen sea na Raibus Limited, ambrela kampani bilong ol papagraun bilong Ramu NiCo i gat 50 pesen sea. Dispela wok JV i bin kamap bihain long wok painimaut olsem ol papagraun i nogat risos long kamapim dispela sevis.

Tasol dispela JV bai stap inap taim we ol Ramu NiCo papagraun bai kamapim risos bilong ol na ronim dispela kampani ol yet.

Tasol long nau yet, NCS-Raibus i kamapim planti sevis i go long ol papagraun long sait bilong wok, na tu, long baim ol gaden kaikai long ol papagraun yet, we mani i go stret long ol papagraun.

Asisten Projek Menesa bilong NCS-Raibus, Andrew Clinkaberry, i tok NCS-Raibus i spendim K30,000, na i go long K40,000. Mani mak insait long wanwan wik long baim gaden kaikai bilong ol wokman bilong Basamuk Refinineri haus kaikai na narapela mani mak long K30,000 long wanwan wik bilong ol kaikai long KBK Menes.

Andrew i tok mani em total mak long moa long K70,000 insait long wanwan wik i save go long ol papagraun long baim ol gaden kaikai bilong ol o i go long ol man kisim kaikai i kam long ol narapela provins olsem long Hailans.

Dispela ol kaikai i save lukautim ol wokmanmeri long KBK Main mak long 600 wokmanmeri na 800 wokmanmeri long Basamuk.

Tasol Andrew i tok maski kain mani i stap tasol long spendim, ol papagraun i no save kamapim planti kaikai long gaden we bai ol i salim long mes bilong KBK na Basamuk. Em i tok ol papagraun i save planim liklik o i les tasol na misim ol dispela sans long mekim mani.

Em i tok olsem planti papagraun i ting olsem bikipela benefit bilong projek bai kam long royalti bilong main tasol ol i no luksave olsem i gat bikipela mani stap long kain wok agrikalsa we ol i ken growim kaikai na salim long NCS-Raibus.

Andrew i tok NCS-Raibus i bin salim tu sampela wokman i go aut long bai skulim ol pipel long wanem kaikai kampani i nidim na ol i mas growim tasol ol dispela halivim i wara nating.

Em i autim belhevi bilong em tu olsem sampela kain kaikai bilong ol gaden ol i

laikim long em i no nap groa long KBK or Basamuk, so ol i mas baim long Hailans. Dispela ol kaikai em olsem kapis, letis, kerot, spring anian, pamkin, kaukau na ol narapela kain prut.

Ol kaikai ol i save baim long nambis em olsem taro, kaukau, pak-choi, waramelon, egplen, banana, tomato, na ol narapela gaden kaikai. Tasol Andrew i tokaut na klia olsem ol papagraun i no save groim planti na saplaim, olsem na ol i mas baim long Hailans.

Em i wari olsem bai mobeta sapos ol papagraun i kamapim bikipela gaden na ol yet i ken kisim mani, na noken larim planti bilong ol dispela mani i go aut long ol fama bilong narapela ol provins.

NCS-Raibus tu i kamapim planti wok bilong ol papagraun, husat no bin gat sans long painim wok long narapela kampani insait long Madang na kantri.

Bosman Andrew tok kampani gat 146 lokol wokman na meri long KBK na Basamuk.

Long dispela, 6-pela em bilong narapela provins, 20-pela bilong narapela hap bilong Madang Provins na 120-pela em ol papa na mama graun stret.

Long dispela 120-pela wokman, 60-pela em ol man na narapela em ol meri.

Insait long dispela tu em 17-pela Saina na 4-pela waitman i wok.

Andrew i tok dispela ol lokol manmeri i gat bikipela save nau long kuk na tu i kisim pe i go long wanwan haus bilong ol we i nau kamapim gutpela sindaun insait long famili.

Taim Ramu NiCo i no bin stap, ol dispela wokmanmeri na ol lokol fama i no bin gat sans long wokmani na tu long planim kaikai na karim i go long maket. Long kisim kaikai long KBK i go long Madang maket em i bin hat bikos long bikipela Ramu Riva na nogat rot.

Long kisim gaden kaikai long Basamuk i go long maket bilong Madang em i hat bilong wanem i no gat rot na solwara i katim. Olsem na ol dispela tarangu lain i bin kisim bikipela hevi long laip bilong ol.

Taim Ramu NiCo i bin krungutim lek antap long maunten bilong KBK na tromoi tel bilong em i go olgeta long Basamuk Be, em i bin kamapim rot, bris, na bikipela bisnis rot na opim kain kain sans bilong ol papagraun long kirapim gutpela sindaun.

Wokbung wantaim Raibus Limited na NCS long kamapim dispela NCS-Raibus i mekim kamap planti wokbisnis bilong ol papagraun na ol pipel bilong narapela hap long kantri.

Sapos nogat Ramu NiCo bai ating nau yet bai lukim ol tarangu pipel i stap yet insait long wanwan asples bilong ol we bai lukim kain nesenel ileksen olsem nau i kam na go, tasol ol bai stap yet olsem bipo lain.

Tasol wanpela samting em yumi olgeta i wanbel, "Sapos yumi wok hat bai yumi painim gutpela sindaun."



Ol papagraun I skelim na salim kaikai long NCS mes long Basamuk



Wanpla meri ailans, Julie Otto i kisim fres kaikai long ailans na salim long NCS-Raibus



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk refinineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**Wanpela
Ramu NiCo,
Wanpela
Komuniti**



YUNIFOM: Lahi anda 16 soka tim bilong ol meri we i bin kamap long wanpela PNGFA Yut Tonamen bilong ol meri long Lae long Jun 12 i go long 16, 2012. **POTO:** PNGFA.



RONAWE: Wanpela Nu Silan ami soldia i ron wantaim ragbi bal i go skoa taim ol i pilaim wanpela ragbi tas gem agensim ol PNG Polis opis long JJun 2 long ples balus bilong ol ami long Mosbi. **POTO** i kam long Australia HiComm.



PAIT: Tupela meri tromoi han na lek insait long nesanel Taekwando sempionsip long Mosbi long Jun 16. **POTO:** Andrew Molen.



WIN: Ol PNG weitlifia, Toua Udia (lephan), Fred Oala na Monalisa Kassman i soim ol medol ol i winim long Osenia sempionsip long stat bilong dispela mun long Samoa. **POTO:** Andrew Molen.

TOKSAVE: Salim ol spots dro bilong yu kam long Feks; 325 2579, e-mel;amolen@wantok.com.pg o kam lusim long Wantok Niuspepa opis long Central Waigani, NCD.

Kriket senisim laip bilong Ofae



1 2-PELA mun i go pinis, nogat wanpela man o meri save harim nem bilong Lilly Ofae.

Em i save stap tasol long ples na mekim ol samting bilong em yet olsem ol arapela meri.

Tasol long las yia, em i kisim kriket bet na i tingting long pilai.

Em i no save olsem 12-pela mun bihain, em bai stap insait long PMMI PNG Lewas tim na i go makim kantri long wanpela bikpela gem long ovasis.

Ofae, 22 krismas, em bilong Moukele Ailan long NCD we yu bai lusim Mosbi taun na ron 30 minit long bot i go.

Ol manmeri long hia i save tokples Hula na ol i gat nem long raun long solwara na painim pis.

Inap olsem 1,000 manmeri stap long dispela ples we narapela nem bilong en em "Fisherman's" ailan.

Ofae i gat tupela bikpela brata na tripela

bikpela sista na long hap, em i wanpela meri tasol olsem ol arapela wanples bilong em, tasol taim em i putim PNG yunifom na ron i go insait long pilai graun wantaim bet bilong em, olgeta i save olsem em i no meri nating.

"Ol ankol na brata bilong mi lainim mi long pilai kriket.

"Mi save ol i save pilai tasol mi no bin laik long pilai tumas bilong wanem ol man tasol i save pilai," Ofae i tok.

"Mi save go lukim ol pilai tasol mi no bin gat sans long pilai, tasol papa, ol brata na ankol bilong mi strongim mi na tok mi mas traim long pilai dispela gem," Ofae i tok.

Long Moukele, ol man tasol i save pilai kriket na em i bin lusim strong bilong en long wanem ol i nogat inap ol samting bilong pilai olsem ol bet, bal, karamap bilong lek, het, han na ol arapela samting.

Tasol wantaim helpim bilong BSP skul kriket program na Dulux provinsol sempionsip, kriket i kirap gen long hap na ol arapela ples husat i bin bungim wankain hevi olsem.

Aninit long Dulux Provinsol program, ol meri tu i gat sans long pilai na helpim long ol arapela wok bilong dispela spot we ol man tasol i bin go pas long en long Moukele.

Ofae i bin kisim luksave taim em i stap insait long Dulux Provinsol Sempionsip bilong Sentrol provins long 2011.

Pilai bilong Ofae insait long Moukele tim i winim ol arapela wanpilai bilong em na ol i kisim em insait long Sentrol Dulux tim long stap insait long 2012 T20 Hebou sil tonamen.

Long hap, gutpela gem bilong em i lukim em i kisim luksave olsem nambawan pilai insait long tim bilong em na i winim ples insait long PNG Lewas tim tu.

"Papa na famili bilong mi save sapatim mi gut tru long kriket bilong mi.

"Olgeta taim, sapos i gat wanpela kriket gem insait long ples, papa bilong mi save tokim mi long go pilai.

"Em i save olsem mi save laikim long pilai bilong PNG olsem na dispela sans i kamap, mi mas kisim na noken westim long abrusim dispela sans long makim kantri na tu kisim save long kamap gutpela moa long gem bilong mi," Ofae i tok.

Ofae i gat bikpela luksave long ples na nae m i amamas long dispela senis long laip bilong em we PNG Lewas i givim long em.

"Laip bilong senis taim mi pilai bilong ol Lewas, mi gat moa bilip na strong long kriket bilong mi na tu long ol arapela samt-

ing mi save mekim insait long laip bilong mi tu.

"Planti ol meri long ples nau i save lukluk long mi olsem wanpela gutpela piksa bilong ol long bihainim, mi no bin ting dispela kain samting bai kamap tasol mi amamas," em i tok.

Presiden bilong Moukele Kriket Asosiesen, Keimelo Gimapau i tok amamas long gutpela save na strong Ofae i soim long pilai kriket long ples 12-pela mun tasol na i go kamap wanpela PNG pilai.

"Olgeta manmeri long ples nau i save lukluk long em.

"Bihain tasol long em i kam bek long Vanuatu wantaim ol PNG Lewas, tingting bilong ol manmeri long ples i kirap long pilai kriket na ol arapela spot tu olsem soka, na volibol.

"Planti ol meri kamapim ol tim long pilai insait long dispela ol spot tu," Gimapau i tok.

"Nau mipela i save mekim olsem Sarere em taim bilong ol meri tasol long pilai kriket long ples, dispela i kamap bihain long luksave bilong Lilly," em i tok.

Dispela ol gutpela samting i kamap long gutpela hatwok na tingting bilong Ofae long pilai gem e mi laikim long en na em i amamas olsem luksave bilong em i helpim ol arapela manmeri long ples bilong em tu.



PNG SKWAT: Ofae wantaim PNG Lewas tim i sanap wantaim bipo long wanpela gem bilong ol long Vanuatu. inset KRIKET MERI: Gutpela gem bilong Ofae i lukim em i kisim gutpela luksave long kriket. FOTO: CPNG.



SPOTS DRO RAUN 17

Fraide : Jun 29, 2012



Suncorp Stadium
Broncos V^s Sharks



Sarare: Jun 30, 2012



Parramatta Stadium
Eels V^s Knights



Sande: Julai 1, 2012



ANZ Stadium
Rabbitohs V^s Panthers



Mt Smart Stadium
Warriors V^s Cowboys



Mande: Julai 2, 2012



Canberra Stadium
Raiders V^s Dragons



Bai: Sea Eagles, Bulldogs, Storm, Roosters, West Tigers, Titans

Harvey Norman Stet ov Orijin - Gem Tri July 4 - Suncorp stadium, Brisbane

Raun 16 Poin Leda

Pos	Tim	W	L	D	B	+/-	Pts
1.	Storm	12	3	0	1	193	26
2.	Bulldogs	10	5	0	1	116	22
3.	Broncos	10	5	0	1	98	22
4.	Sharks	9	5	0	2	15	22
5.	Cowboys	9	6	0	1	96	20
6.	Sea Eagles	8	6	0	1	51	20
7.	Rabbitohs	8	6	0	2	7	20
8.	West Tigers	8	7	0	1	8	18
9.	Warriors	6	8	0	2	-3	16
10.	Dragons	7	8	0	1	-40	16
11.	Titans	6	9	0	1	-20	14
12.	Knights	5	9	0	2	-53	14
13.	Raiders	5	9	0	2	-91	14
14.	Roosters	6	9	0	1	-120	14
15.	Panthers	4	11	0	1	-104	10
16.	Eels	3	11	0	2	-153	10



SOIM STRONG: Tahu brukim takol bilong ol Knights long Mande nait.

Tahu mekim save long Tigers

SENTA bilong Newcastle Knights, Timana Tahu, i mekim save long ol Wests Tigers taim em i putim tripela trai long Mande nait, dispela wik long helpim tim bilong em i win 38 – 20 long Hunter stadium.

Tahu i putim dispela tripela trai insait long 12-pela minit bilong gem na i givim moa het pen long ol Tigers wantaim ol strongpela ron na takol bilong em.

Laspela taim em i bin putim

tripela trai insait long wanpela gem i bin long 2005.

Dispela i bin namba wan win bilong ol Knights bihain long ol i lus 5-pela wik olgeta.

Ol Tigers i skoa pas na bihain long 22 minit bilong gem, ol i go pas 14 – 0 wantaim ol trai kam long Chris Lawrence, Lote Tuqiri na wanpela penolti kik bilong Benji Marshall.

Knights i bekim wanpela trai kam long Blues winga, Akuila Uate bipo long Tahu i putim tupela trai hariap tru kl-

sotu long hap taim.

Tahu i skoa gen bihain tasol long ol i kam insait long namba tu hap bilong gem long kisim ol i go pas moa yet.

Dispela i givim ol moa strong na ol i pilai gut moa long dispela hap bilong gem.

Ol Tigers i no bin inap long kam bek na taim fowet bilong Knights, Chris Houston i putim namba tri trai bilong em long dispela yia, ol Tigers i dai olgeta.

Tasol laspela trai bilong

gem i kam long ol Tigers wantaim Masada losefa.

Ol poin bilong Knights i kam long: Tahu 3, Uate, Houston na James McManus na Tyrone Roberts i kikim 5-pela gol na abrus long wanpela.

Em i kikim tupela penolti gol i go insait tu.

Ol poin bilong Tigers i kam long: Lawrence, Tuqiri na losefa.

Marshall i kikim tripela gol na wanpela penolti gol wantaim i go insait.

Dugan bai pilai gen

CANBERRA Raiders fulbek, Josh Dugan bai pilai gen dispela yia bihain long ol dokta i givim tok orait long em.

Ol i bin tok em bai no inap pilai gen dispela yia bihain long em i bagarapim skru bilong fut bilong em las wik Sarere taim ol i lus long ol Cowboys, 40 – 18 long Townsville.

Dispela bagarap i mekim ol i ting em bai no inap long pilai gen dispela yia tasol long Tunde dispela wik, Dugan i kisim toksave olsem lek bilong em i orait na em bai nap long pilai gen.

Wok painim aut i soim olsem em i bagarapim liklik hap tasol na bai no inap pilai tri o 4-pela wik tasol em bai kam bek yet.



EM i ORAIT: Sisen bilong Dugan i no pinis.

Las sans bilong blues

i kam long bek pes

Blues kosa, Ricky Stuart, i no mekim planti senis long tim bilong em we i winim Gem tu long Sydney, 16-12.

Wanpela senis i kamap long beks em Brett Morris i kisim ples bilong winga, Akuila Uate na Manly fowet, Tony Williams na Beau Scott bilong St George Illawarra tu i kam insait long 19-man skwat bilong ol

Ol i painim olsem Uate i no takol gut tumas long sait bilong em na i lukim ol Maroons i brukim banis long hap planti taim.

Em i no kisim planti ol bal i

kam long ol bikpela kik na ol Blues i wari olsem dispela hevi ken daunim ol long gem namba tri sapos ol i no stretim nau.

“Em i gutpela pilaia na i stap wantaim tim long taim tu tasol mipela i mekim dispela senis bilong wanem mipela i laik tim i stap strong long dispela bikpela gem,” Stuart i tok.

Stuart i tok tu olsem ol i givim taim long prop, Glen Stewart long orait hariap na kam insait long skwat gen.

“Mi no givim taim long em yet long lukim sapos em bai nap long pilai gen,”

Stuart i tok.

“Mi no givim taim long em long toksave tasol mi laik em yet i skelim na i tok bipo long gem sapos em bai nap long pilai.

“Em i wok hat na mipela i laik soim dispela kain respek long em,” Stuart i tok.

Stewart i bagarapim lek skru bilong em las wik Mande taim em i pilai bilong Manly agensim Melbourne.

Ol ripot long dispela taim i bin tok olsem em bai no inap

pilai long gem tri tasol Stuart i tok em i gat sans na i laik lukim sapos em i ken orait hariap bipo long gem.

Skwat bilong ol Blues nau yet em, ol fowet, Greg Bird, Todd Carney, Ben Creagh, Robbie Farah, Paul Gallen (captain), Tim Grant, Luke Lewis, Trent Merrin, Beau Scott, James Tamou, Anthony Watmough na Tony Williams.

Na ol beks em, Brett Stewart, Brett Morris, Michael Jennings, Josh Morris, Jarryd Hayne, Todd Carney, Mitchell Pearce

Nupela presiden makim 2015 Gems

LONG stat bilong dispela wik tasol Sir John Dawanicura i kisim wok olsem nupela Presiden bilong Papua New Guinea Sports Federation and Olympic Committee (PNGSFOC), na namba wan samting i stap long tingting bilong em, em 2015 Pasifik Gems we bai kamap long Mosbi.

Em i tok em bai wokbung wantaim ol arapela eksekutiv bilong Federesen long lukim olsem olgeta samting bilong gem i redi bipo long 2015.

"Mipela bai wokbung wantaim ol gavman dipatmen, gems otoriti, oogenaising komiti na tu ol arapela stekholda long mekim dispela

gem i kamap wanpela nambawan gem tru," Sir John i tok.

"I gat planti bikpela salens tru i stap yet long mipela tasol mipela i gat ol gutpela manmeri insait long komiti na ol eksekutiv bilong mipela olsem na dispela wokbung bai helpim mipela gut long mekim ol samting i kamap," em i tok.

Namba wan wok em long redim ol ples bilong pilai na ples we ol tim bilong ol arapela kantri bai stap long en taim ol i kam.

Em i save olsem i gat tripela yia tasol i stap na ol i noken westim moa taim long mekim ol dispela samting.

Sir John i tok olgeta samting

i mas go tasol nau bilong wanem ol i kisim laspela tok orait pinis na i nogat narapela rot long abrusim dispela wok nau.

Long wankain taim, em i tok amamas long kam bek insait long PNGSFOC we em i bin stap bipo olsem Sekreteri Jenerel.

"Mi amamas long kam bek, dispela wok bilong spots em i olsem bikpela hap long laip bilong mi na em i olsem famili bilong mi tu," Sir John i tok.

Em i bin lusim PNGSFOC klostu long tupela yia nau bihain long Auvita Rapilla i kisim olpela wok bilong em.

"Mi tupela Auvita i gat gut-

pela wokbung na mi amamas long kam bek bai mipela i ken karim dispela wokbung i go moa yet wantaim gutpela sapot bilong ol arapela wokmanmeri bilong PNGSFOC," Sir John i tok.

Em i amamasim tu SP Brewery husat i givim K100,000 long PNGSFOC long Mande dispela olsem sponsasip bilong ol i go long helpim na salim PNG tim i go long Olimpik Gems na ol arapela bikpela tonamen dispela yia.

"SP Brewery i wanpela bikpela sponsa bilong mipela na mipela i save tenkyu na amamas long helpim bilong olgeta taim," Sir John i tok.



KAM BEK: Sir (lephan) i kisim sek long jenerel menesa bilong SP Brewery, Stan Joyce. *POTO: Andrew Molen.*

Bikhet pasin rausim gem long Goroka

SAPOS ol sapot i no harim tok bai nogat moa Digicel kap gem bai kamap dispela yia long Goroka.

Jenerel Menesa bilong PNG NRL, Hubert Warupi, i tok bod i kamapim dispela tingting bihain long ol sapota bilong Goroka i bin go insait long pilai graun long fulitaim na paitim ol ofisol.

Long dispela as, gem bilong asples tim bilong Goroka, Bintagor Lahanis, agensim WGS Mt Hagen dispela Sande.

Ol i mas baim wanpela K5,000 fain tu bipo long Julai 15 long mekim wanpela banis insait long pilai graun we bai pasim ol pilaia na ofisol long ol sapota.

Sapos ol i no bungim dispela askim bai nogat moa gem i kamap long Goroka.

Siaman bilong PNGNRL, Sudhir Guru, i tok pasin ol sapota long Goroka i no bihainim gutpela pasin na spirit bilong gem.

Em i tok tu olsem Papa bilong Lahanis tim, Simon Sia, i sapotim tim longpela taim na nau em i pilim nogut tru long pasin ol sapota bilong em yet i mekim.

Guru i singaut long ol manmeri long sapotim tim bilong ol gut na i noken mekim ol bikhet pasin nabaut.

Narapela gem we bai kamap long Lae tu dispela wiken em namel long Enga Mioks na Snax Tigers bilong Lae yet.

Em bai wanpela bikpela gem bilong ol manmeri long Lae husat bai lukim tripela tim bilong Hailans i pilai long wanpela hap tasol.

Ol Eagles i lusim las 4-pela gem bilong ol na ol i mas kamapim strongpela salens ol Lahanis.

Taim tupela i bin bung long raun tri, ol Eagles i mekim save long ol Lahanis, 35 - 25, tasol ol smting i ken senis nau bilong wanem Lae i no asples bilong tupela wantaim.

Long narapela gem, ol Mioks i gat strongpela tim tasol ol Tigers i ken kisim strong long asples bilong ol na givim het pen long ol mangi Enga.



TAKOL: Ol Eagles i stopim Steven John bilong Vipers long raun 9 long Mosbi. Ol bai bungim Lahanis long Sande. *POTO: Andrew Molen.*

Pasifik luksave long 'Just Play'

"JUST Play" soka program bilong ol skul mangi we i save kamap long Papua Niugini na planti arapela Pasifik kantri, i kisim gutpela luksave long stat bilong dispela mun.

Ol sinia tim bilong wanwan Pasifik kantri husat i bin kamap long fainol bilong Nesens Kap resis long Solomon Ailan, i bung wantaim long soim sapot bilong ol long dispela program.

Dispela Nesens kap em i bikpela gem tasol ol pilaia na ofisol i givim taim long sanap wantaim na soim sapot na luksave bilong ol long developmen bilong soka long ol grasrut tu.

Astingting bilong dispela "Just Play" program em long lukim moa manmeri long grasruts level na ol pikinini pilai bai ol i ken amamas na tu i stap helti na i noken painim ol kain kain sik.

Osenia Futbol Konfederesen (OFC) i kamapim dispela program wantaim tok orait na sapot bilong FIFA.

"Dispela program i no helpim ol yangpela long pilai tasol, em i helpim tu long skulim ol long ol arapela hevi insait long komyuniti na tu long ol rot bilong kamapim gutpela sindaun," Jenerel Seketeri bilong OFC, Tai Nicholas i tok.

PNG Futbol Asosiesen (PNGFA) i save ronim Just Play program long PNG na ol i raunim planti ol provins nap les insait long kantri pinis.



Bai yumi lainim wanem long Stet ov Orijin

LONG 1980 inap long nau, dispela bikpela ragbi lig pilai long Australia ol i kolim Stet ov Orijin (State of Origin), we i save kamap namel long Kwinslen na Nu Saut Wels i kamap olsem wanpela bikpela pait namel long ol lain bilong antap na daunblo hap bilong Australia.

Dispela gem i pulim planti sapot long ol manmeri long kantri bilong yum na em i kamap olsem wanpela pilai we planti moa manmeri save lukim olgeta yia.

Yumi ken tok tu olsem ol sapota bilong dispela gem tu i planti moa long sapota bilong ragbi lig wol kap.

Olgeta famili save toktok long en na em i save kamapim hevi tu taim tim bilong sampela memba bilong famili lus na tim bilong ol arapela i win.

Planti samting olsem ol TV, redio na arapela samting i save bruk o bagarap tai mol sapota i belhat long tim bilong ol i lus.

Sampela manmeri dai pinis tu.

Dispela kain pasin i soim olsem spots i gat pawa long mekim gutpela samting tasol em i ken kamapim hevi o bagarapim sindaun tu.

Ol mangi long strit tu i ken tokim yu stret long nem na posisen bilong ol pilaia insait long wanwan tim.

Wanem kain ol samting bai yumi ken lainim long Stet ov Orijin na helpim long kamapim na strongim gut ol spot bilong yumi tu?

Dispela gem i kam longpela rot tru na i stap yet tete, wanem gutpela samting tru bai yumi ken kisim long dispela?

Mi ken tokim yu olsem, i gat planti gutpela samting tru yumi ken lainim na kisim long dispela gem.

Ol pilaia na ofisol long dispela gem i gat bikpela save na strong tru long pilai na ronim gem na tu ol i save soim pasin bilong ol profesenol wokman na pilaia olgeta taim.

Wanpela gutpela piksa em taim ol i save pait insait long gem.

Dispela kain ol pait i save kamap olgeta taim long olgeta spot tasol, dispela ol pilaia i save pait pinis na bihain bung wantaim na stretim tok wantaim refri na bihain ol i save pilai gen na pinisim gem gut.

Pait i no save kamap gen bihain long gem na ol sapota tu i no save pait namel long ol yet long ples ol i sindaun long en.

Sapos pait o hevi kamap insait long wanpela gem, em i mass tap insait long gem tasol na i noken kapsait i go autsait long pilai graun o i kamap gen bihain long gem i pinis.

Dispela em profesenol pasin tru we olgeta spotsmanmeri na ofisol i mas soim olgeta taim.

Yumi ol manmeri long Papua Niugini mas lainim long mekim dispela kain pasin na i noken karim ol pait na hevi bilong yumi long taim bilong pilai, i go autsait long pilai graun tu.

Ol pilaia bilong yumi mas i gat gutpela tingting long bihain dispela kain stretpela pasin na taim ol i pilai insait long ol bikpela gem olsem.

Long wankain taim, ol bikpela spots tonamen na gem bilong yumi mas i soim wankain profesenol pasin na tingting taim ol i ronim ol gem bilong ol.

Stet ov Orijin em i wanpela bikpela gem tu olsem na save na wok bilong ol manmeri olsem ol kosa, trena na arapela teknikal ofisol husat i save wok insait long en tu i antap tru.

Ol wok redi bilong ol long kamapim dispela gem tu i bikpela tru.

Long bungim dispela kain mak, ol teknikal ofisol bilong dispela spot i mas i gat wankain luksave na ekspirians long wok long dispela level bilong gem tu.

Dispela bai lukim ol i kamapim gutpela wok tru. Mi bilip olsem yumi olgeta i ken lukim nau olsem level bilong Stet ov Orijin i wok long go antap moa yet.

Olgeta nesanel spots bilong yumi mas traim long lainim ol samting we Stet ov Orijin i ken soim long yumi.

Dispela bai helpim long apim tru level bilong wanwan spot bilong ol.

NEW PREMIUM TUNA

DIANA

PROUDLY PNO MADE

Las sans bilong Blues

Bikpela pait i stap yet



LONG Trinde wik i kam, bai laspela sans bilong ol Blues long stopim ol Maroons long win gen. Dispela bai bikpela pait tru bilong Blues bilong wanem, ol i wokhat long taim na dispela win bilong ol long Gem tu i soim olsem ol inap long winim ol Maroons sapos ol i pilai strong olsem.

Ol i lus 18 - 10 long Melbourne long Gem wan na long Gem tu ol i kam bek strong na win 16 - 12 long Sydney long Jun 1.

Nau bai laspela gem bilong Stet ov Orijin resis dispela yia na ol i mas sanap strong long pasim ol Maroons husat bai kam wantaim bikpela strong na paia long winim bek taitol ol i holim long las 6-pela yia.

Sapos ol Maroons i win gen bai em i namba 7 taitol bilong ol insait long 7-pela yia.

Tasol ol Blues i gat strongpela tingting long stopim ol long mekim histri gen. Em bai no inap isi long ol Blues bilong wanem dispela gem bai kamap long Sun-corp stadium long Brisbane, we i asples bilong ol Maroons. Na tu ol Blues i no winim wanpela gem long hap yet long las 6-pela yia.

Long wankain taim, em bai laspela gem bilong Maroons prop fowet, Petero Cironiceva na ol bai pilai strong long traim na winim dispela gem bilong em olsem ol i mekim bilong bipo kepten bilong ol, Darren Lockyer, taim em i pinis pilai long 2011.

Moa long Pes 26.

AMAMAS: Todd Carney (lephan) na Brett Stewart i amamasim tra bilong Stewart long gem tu long Jun 13.

CARPENTERS MOTORS

Introdusim

● Nambawan Expiriens ● Hamamas long Kisim ● Tru long Yumi

- ◆ SETIFAIK KILOMITAS
- ◆ 6 PELA MUN FRI SEVIS
- ◆ 6 PELA MUN ENSIN WARANTI
- ◆ SEFTI STIKA INSPEKSEN FRI LONG TAIM YU KISIM KAR (Inspeksen tasol)
- ◆ 10% DISCAUNT LONG OL PARTS NA LEIBA *Kondisens bai aplai
- ◆ OL SAVE TEKNISEN BAI SEVISIM KAR BILONG YU
- ◆ IGAT 20 POINT MEKENIKOL SEK

9.9% FAINANS long ol DIAMOND CLASS VEHICLES *Kondisens bai aplai!

Tel: 311 2233 | Fax: 311 2440 | Email: info@carpentersmotors.com | Website: www.carpentersmotors.com